

MESYUARAT KETIGA, PENGGAJ KETIGA
PARLIMEN KEEMPAT BELAS
2020

HARI ISNIN : 23 NOVEMBER 2020

**JAWAPAN-JAWAPAN BAGI PERTANYAAN-PERTANYAAN JAWAB
LISAN YANG TIDAK DIJAWAB DI DALAM DEWAN
(SOALAN NO. 12 HINGGA NO. 48)**

NOTA: [RUJUK PENYATA RASMI HARIAN (HANSARD)]

**PEMBERITAHUAN PERTANYAAN JAWAB LISAN
DEWAN RAKYAT MESYUARAT KETIGA, PENGGAL KETIGA
PARLIMEN KEEMPAT BELAS**

PERTANYAAN : JAWAB LISAN

DARIPADA : PUAN TEO NIE CHING [KULAI]

TARIKH : 23 NOVEMBER 2020 (ISNIN)

SOALAN

PUAN TEO NIE CHING [KULAI] minta **MENTERI PEMBANGUNAN WANITA, KELUARGA DAN MASYARAKAT** menyatakan status terkini laporan CRC memandangkan Kerajaan masih belum menyerahkan laporan CRC semenjak 2007.

JAWAPAN

Tuan Yang di-Pertua,

Penyediaan Laporan Negara Konvensyen Mengenai Hak Kanak-Kanak atau *Convention on the Rights of the Child* (CRC) melibatkan hak kanak-kanak secara menyeluruh, dan merangkumi pelbagai perkara yang perlu diambil kira seperti:

- (i) Garis Panduan Khusus Konvensyen (*Treaty-specific guidelines*) berhubung format dan kandungan laporan;
- (ii) *Concluding Observations* yang diterima Malaysia pada tahun 2007; dan
- (iii) *General Comments* berhubung hak kanak-kanak yang dikeluarkan dari semasa ke semasa oleh Jawatankuasa CRC.

Dalam penyediaan draf laporan ini, libat urus dan ulasan bukan hanya daripada KPWKMM tetapi juga daripada pelbagai Kementerian dan Agensi lain, dan ini melibatkan masa untuk mendapatkan maklum balas.

Draf Laporan Negara Kedua hingga Kelima CRC telah pun dimuktamadkan pada bulan Mei 2020 dan kini telah selesai disemak oleh Penasihat Undang-Undang Kementerian.

Selanjutnya draf laporan ini telah dikemukakan kepada pihak Jabatan Peguam Negara untuk semakan sebelum ia dibentangkan untuk persetujuan Jemaah Menteri. Laporan yang diluluskan Kerajaan ini akan dikemukakan kepada Jawatankuasa CRC, yang dijangka pada awal tahun 2021.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KETIGA
PARLIMEN KEEMPAT BELAS**

PERTANYAAN : LISAN
DARIPADA : YB TUAN CHE ALIAS BIN HAMID
KAWASAN : KEMAMAN
TARIKH : 23 NOVEMBER 2020 (ISNIN)

SOALAN NO. 13

minta **MENTERI KANAN KERJA RAYA** menyatakan rancangan untuk membangunkan laluan alternatif Bandar Chukai ke Bukit Kuang bagi mengatasi masalah kesesakan di Bandar Chukai berikutan peningkatan kepadatan penduduk.

JAWAPAN

Tuan Yang Di-Pertua,

Untuk makluman Ahli Yang Berhormat, cadangan membina laluan alternatif bagi Laluan Persekutuan 3 (FT003) antara Bandar Chukai ke Bukit Kuang tiada dalam senarai keutamaan yang diterima daripada Negeri Terengganu untuk Rolling Plan 1 RMKe-12. Selain itu, berdasarkan data banci *Road Traffic Volume Malaysia (RTVM)* 2019, aliran trafik di Laluan FT003, Jalan Kuala Terengganu - Kemaman menunjukkan aliran trafik berada pada tahap *Level of Service* (LOS) A.

Walau bagaimanapun, Kementerian akan meneliti semula projek ini sekiranya dimohon untuk Rolling Plan RMKe-12 yang akan datang memenuhi keperluan teknikal untuk dilaksanakan. Kelulusan projek adalah bergantung kepada Agensi Pusat berdasarkan keutamaan dan kedudukan kewangan Kerajaan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

DARIPADA : YB TUAN R. SIVARASA [SUNGAI BULOH]

TARIKH : 23 NOVEMBER 2020 (ISNIN)

SOALAN

YB TUAN R. SIVARASA [SUNGAI BULOH] minta **PERDANA MENTERI** menyatakan sama ada Kerajaan bercadang menubuhkan institusi 'Ombudsman' yang bebas dan berwibawa supaya orang awam ada saluran yang berkesan untuk membawa aduan untuk disiasat berkenaan salahguna kuasa, pengabaian, rasuah dan juga tindakan jenayah yang dilakukan oleh kakitangan Kerajaan

JAWAPAN

**YB DATO' TAKIYUDDIN BIN HASSAN, MENTERI DI JABATAN
PERDANA MENTERI (PARLIMEN DAN UNDANG-UNDANG)**

Tuan Yang di-Pertua,

Untuk makluman Ahli Yang Berhormat, Ombudsman merupakan satu platform untuk orang awam menyalurkan aduan (*grievances*) terhadap sistem penyampaian perkhidmatan awam serta memastikan kerajaan berfungsi secara cekap dan berkesan (*effective and efficient*) ke arah demokrasi yang berakuntabiliti. Ombudsman adalah konsep menyeluruh yang diterima pakai dan diiktiraf di peringkat antarabangsa oleh kebanyakan negara demokrasi. Lebih kurang 60 peratus daripada negara di dunia telah mempunyai institusi Ombudsman (115 daripada 195 negara).

Usaha-usaha Kerajaan untuk menubuhkan Ombudsman bermula semenjak tahun 2018 di mana Mesyuarat Jawatankuasa Khas Kabinet Mengenai Anti-Rasuah (JKKMAR) pada 21 September 2018 telah bersetuju dengan penubuhan sistem Ombudsman Malaysia dalam perkhidmatan awam. Seterusnya pada 19 Oktober 2018, Jemaah Menteri telah bersetuju dengan keputusan JKKMAR tersebut dan pada 1 November 2019 Kerajaan telah bersetuju dengan penetapan dasar penubuhan Ombudsman Malaysia. Kini, Kerajaan komited ke arah memperkasakan Biro Pengaduan Awam (BPA) kepada Ombudsman Malaysia bagi pengurusan aduan awam.

BPA telah meneliti model dan undang-undang Ombudsman di 9 negara lain seperti United Kingdom, Sweden, Australia, New Zealand, Hong Kong, Filipina, Thailand, Gambia dan Namibia serta undang-undang institusi agensi Kerajaan Malaysia seperti Suruhanjaya Pencegahan Rasuah Malaysia (SPRM), Suruhanjaya Integriti Agensi Penguatkuasaan (SIAP), Suruhanjaya Hak Asasi Manusia (SUHAKAM) dan Jabatan Audit Negara. Dalam konteks ini, fungsi Ombudsman Malaysia yang sedang dikaji merangkumi khidmat nasihat (*advisory*), merancang (*planning*), memantau (*monitoring*), menilai (*evaluation*), mengemukakan syor-syor (*recommendation*) dan melapor (*reporting*). Fungsi-fungsi tersebut akan diberi perhatian dan kuasa dalam akta yang dicadangkan.

Dalam hal ini, pihak GIACC telah mengadakan sesi bengkel pemurnian draf Rang Undang-Undang Ombudsman (RUU Ombudsman) bersama wakil dari BPA, Bahagian Hal Ehwal Undang-Undang (BHEUU), Pejabat Penasihat Undang-Undang Jabatan Perdana Menteri dan Suruhanjaya Integriti Agensi Penguatkuasaan (SIAP) bagi meneliti peruntukan RUU Ombudsman. Dasar berkenaan Ombudsman telah dimuktamadkan dan draf RUU telah dikemukakan kepada Jabatan Peguam Negara untuk tujuan semakan dan kelulusan sebelum dibentangkan di Parlimen kelak.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

DARIPADA : DATO' SERI TIONG KING SING [BINTULU]

TARIKH : 23 NOVEMBER 2020 (ISNIN)

SOALAN

Minta **MENTERI PEMBANGUNAN USAHAWAN DAN KOPERASI** menyatakan:

- (a) apakah pihak Kementerian mempunyai rancangan untuk menyediakan insentif bagi golongan usahawan yang ingin memulakan perniagaan dalam tempoh pemulihan ekonomi ini; dan
- (b) apakah kadar kelulusan pinjaman daripada SME Bank dan Bank Rakyat kepada permohonan yang dikemukakan dalam tempoh PKPP ini untuk membantu para usahawan menangani kesan daripada wabak COVID-19 serta apakah faktor permohonan yang tidak berjaya.

JAWAPAN

Tuan Yang di-Pertua,

1. Kementerian Pembangunan Usahawan dan Koperasi (MEDAC) serta agensi-agensi di bawahnya giat melaksanakan pelbagai inisiatif bagi membantu usahawan yang terjejas berikutan penularan wabak COVID-19.
2. Selaras dengan objektif di bawah Dasar Keusahawanan Nasional 2030 (DKN2030) iaitu bagi 'menjadikan keusahawanan sebagai kerjaya pilihan', MEDAC turut menyediakan beberapa insentif bagi menggalakkan usahawan bagi mengambil peluang dalam keusahawanan bagi menjana pendapatan dalam tempoh pemulihan ekonomi ini.
3. Insentif yang ditawarkan ini adalah dalam pelbagai bentuk seperti: geran dan pembiayaan, latihan dan bimbingan keusahawanan, akses pasaran dan peluang menceburi perniagaan.

Antara inisiatif dan insentif yang dilaksanakan bagi mereka yang ingin memulakan perniagaan adalah:

- (i) **Program Tunas Usahawan Belia Bumiputera (TUBE).** Program ini bertujuan membentuk daya tahan usahawan dalam mengendalikan perniagaan, memupuk semangat keusahawanan, serta anjakan paradigma belia dari pekerja kepada pemilik perniagaan. Program ini dilaksanakan sejak tahun 2014 dan sehingga kini telah melahirkan 5,001 usahawan baharu, menyediakan lebih 10,000 peluang pekerjaan dan sejumlah RM127.17 juta nilai jualan terkumpul dicatatkan daripada perniagaan yang dijalankan oleh peserta. Bagi tahun 2020, seramai 765 peserta telah dilatih berperingkat secara talian bermula pada Julai hingga September 2020. Geran bernilai lebih RM10 juta bagi memulakan perniagaan akan disalurkan secara berperingkat kepada peserta yang berjaya menamatkan latihan pada tahun 2020.
- (ii) **Program Micro Connector (CONNECT-ME).** Program ini merupakan program yang bertujuan memberi latihan khusus

di peringkat awal bagi perusahaan mikro untuk menubuhkan dan menjalankan perniagaan serta melatih komuniti B40 untuk menjana pendapatan melalui aktiviti keusahawanan. Sejak diperkenalkan bermula Jun 2019 sehingga kini, sebanyak 7,788 peserta yang terdiri daripada syarikat dan Enterpris Mikro termasuk komuniti B40 telah mendapat manfaat dari program ini.

(iii) Program Peningkatan Enterprise Bumiputera (BEEP).

Program ini bertujuan untuk meningkatkan daya saing PKS Bumiputera menerusi bantuan bersepadu yang meliputi bantuan permulaan, pensijilan, pembungkusan, sewaan premis untuk usahawan belia, khidmat nasihat, latihan dan sokongan kewangan termasuklah dalam meningkatkan produktiviti, mekanisasi, automasi dan aktiviti e-dagang Bumiputera. Bagi tahun 2020 (sehingga Oktober), sejumlah 135 PKS telah menerima kelulusan geran berjumlah RM16.4 juta.

(iv) TEKUN Mobilepreneur. Melalui program TEKUN Mobilepreneur ini, TEKUN bekerjasama dengan syarikat e-hailing sedia ada dengan menyediakan pembiayaan sehingga RM10,000 bagi tujuan membaiki dan membeli motosikal yang digunakan untuk tujuan penghantaran dan peserta perlu berdaftar dengan syarikat ini sebelum membuat permohonan pembiayaan. Sehingga 18 November 2020, sebanyak 2,199 permohonan telah diluluskan dengan nilai pembiayaan berjumlah RM18,267,000.

Tuan Yang di-Pertua,

1. Sehingga 20 November 2020, secara keseluruhan SME Bank dan Bank Rakyat telah menerima sebanyak 4,322 permohonan pinjaman daripada usahawan, perusahaan mikro, Perusahaan Kecil dan Sederhana (PKS) serta koperasi. Permohonan ini melibatkan nilai pinjaman keseluruhan sebanyak RM979.46 juta daripada kemudahan pinjaman *Special Relief Fund* (SRF) dan *Bank Rakyat Cares* (BR Cares). Daripada jumlah tersebut, sebanyak 3,932 atau 90.9% permohonan dengan jumlah RM781.11 juta telah diluluskan pembiayaannya.

2. Faktor-faktor yang menyebabkan permohonan pinjaman tidak berjaya adalah:

(a) **Dokumentasi Tidak Lengkap Dan Kurang Kemahiran Permohonan Pinjaman Secara Online**

- Kebanyakan permohonan yang tidak berjaya mendapat kelulusan pembiayaan adalah kerana dokumentasi yang tidak lengkap seperti salinan sijil pendaftaran syarikat atau lesen perniagaan dan salinan penyata bank. Selain daripada itu, pemohon khususnya usahawan mikro dan informal luar bandar tidak mempunyai kemahiran atau pengetahuan untuk membuat permohonan dalam talian.

(b) **Permohonan Tidak Memenuhi Syarat Pinjaman**

- Permohonan yang tidak memenuhi syarat pinjaman adalah disebabkan oleh pemohon telah berumur melebihi 60 tahun, pemohon mempunyai rekod bayaran balik pinjaman yang tidak memuaskan dan pemohon disitihar sebagai muflis / bankrupt.

(c) **Pelaksanaan Perintah Kawalan Pergerakan (PKP)**

- Penguatkuasaan PKP juga secara tidak langsung menghadkan kehadiran pemohon yang berjaya untuk memuktamadkan proses dokumentasi pembiayaan. Ini menyebabkan proses permohonan pembiayaan tertangguh;
- Kedudukan pemohon yang jauh daripada lokasi agensi pembiaya juga menyukarkan proses dokumentasi dimuktamadkan sebagai mana yang ditetapkan dalam standard operating procedure (SOP) semasa sebagai contoh keperluan lawatan secara fizikal ke atas premis pemohon sebelum kelulusan.

Sekian, terima kasih.

**PEMBERITAHUAN PERTANYAAN JAWAPAN LISAN
DEWAN RAKYAT MESYUARAT KETIGA PENGGAL KETIGA
PARLIMEN KEEMPAT BELAS**

**PERTANYAAN : PERTANYAAN LISAN DI BAWAH
PERATURAN MESYUARAT 22 (5)**

DARIPADA : PUAN TERESA KOK SUH SIM [SEPUTEH]

TARIKH : 23 NOVEMBER 2020 (ISNIN)

SOALAN

PUAN TERESA KOK SUH SIM [SEPUTEH] minta **MENTERI PERUSAHAAN PERLADANGAN DAN KOMODITI** menyatakan sebab Menteri tidak melantik wakil yang dicadangkan oleh Persatuan Perindustrian Kayu-Kayan Malaysia (MWIA) untuk menjadi Ahli Pemegang Amanah Malaysia Timber Council (MTC) seperti yang dinyatakan dalam perlembagaan MTC. Nyatakan sebab Menteri masih tidak melantik wakil industri kayu-kayan dalam MTIB selepas pelantikan wakil industri dibatalkan selama beberapa bulan.

JAWAPAN

Tuan Yang di-Pertua,

Untuk makluman Ahli Yang Berhormat, Menteri Perusahaan Perladangan dan Komoditi telah diberi kuasa untuk menentukan pelantikan Ahli Lembaga Pemegang Amanah (ALPA) *Malaysian Timber Council* (MTC). Perkara ini adalah selaras dengan peruntukan yang termaktub di bawah *Article 11, Memorandum and Articles of Association (M&A) of MTC*.

Bagi urusan pelantikan ALPA MTC, pihak *Malaysian Wood Industries Association* (MWIA) telah mengemukakan kepada Kementerian senarai tiga orang calon bagi mewakili persatuan MWIA untuk pertimbangan. Dalam hal ini, Menteri Perusahaan Perladangan dan Komoditi pada 8 September 2020 telah bersetuju untuk melantik Encik Mok Khiaw Hui, Naib Presiden MWIA sebagai ALPA MTC yang baharu bagi mewakili MWIA. Oleh yang demikian, tiada isu Menteri tidak melantik calon yang dicadangkan oleh MWIA untuk menganggotai ALPA MTC.

Untuk makluman Ahli Yang Berhormat juga, kesemua pelantikan Ahli Lembaga Pengarah Lembaga (ALP) Lembaga Perindustrian Kayu Malaysia (MTIB) yang melibatkan wakil industri kayu-kayan telah selesai dilaksanakan. Surat serta sijil pelantikan juga telah dikemukakan kepada kesemua ALP MTIB berkenaan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KETIGA
PARLIMEN KEEMPAT BELAS**

PERTANYAAN : LISAN
DARIPADA : YB DATO' WIRA MOHD ANUAR BIN MOHD
TAHIR
KAWASAN : TEMERLOH
TARIKH : 23 NOVEMBER 2020 (ISNIN)

SOALAN NO. 17

minta **MENTERI KANAN KERJA RAYA** menyatakan:

- a) kemajuan pembinaan lebuh raya-lebuh raya diseluruh Malaysia; dan
- b) tarikh-tarikh sebenar penyiapan lebuh raya-lebuh raya tersebut.

JAWAPAN

Tuan Yang Di-Pertua,

Untuk makluman Ahli Yang Berhormat, terdapat enam lebuhraya dalam pembinaan dan berikut merupakan status kemajuan projek sehingga 30 September 2020 iaitu:

- 1) Projek Lebuhraya Pantai Barat atau WCE di mana status kemajuan projek adalah 68.99%.
- 2) Projek Lebuhraya Setiawangsa Pantai atau SPE di mana status kemajuan projek adalah 75.30%.
- 3) Projek Lebuhraya Lembah Klang Timur atau EKVE di mana status kemajuan projek adalah 77.20%.
- 4) Projek Lebuhraya Putrajaya KLIA atau MEX2 di mana status kemajuan projek adalah 88.79%.
- 5) Projek Lebuhraya Bertingkat Damansara Shah Alam atau DASH di mana status kemajuan projek adalah 86.66%.
- 6) Projek Lebuhraya Bertingkat Sungai Besi Ulu Kelang atau SUKE di mana status kemajuan adalah 83.32%.

Tuan Yang Di-Pertua,

b) Untuk makluman Ahli Yang Berhormat, berhubung tarikh-tarikh sebenar penyediaan lebuhraya-lebuhraya tersebut adalah seperti berikut:

- 1) Projek Lebuhraya Pantai Barat atau WCE dijangka siap mengikut seksyen seperti berikut:

- (i) **Seksyen 1** iaitu dari Persimpangan Banting ke Persimpangan Lebuhraya SKVE dijangka siap pada 29 Disember 2021;
- (ii) **Seksyen 2** dari Persimpangan SKVE ke Persimpangan Lebuhraya KESAS pada 11 Mei 2022;
- (iii) **Seksyen 3** dari Persimpangan Leburaya KESAS ke Persimpangan NKVE/Lebuhraya Persekutuan pada 17 Februari 2022;
- (iv) **Seksyen 4** dari Persimpangan NKVE/Lebuhraya Persekutuan ke Persimpangan New North Klang Straits Bypass (Leburaya SHAHPADU) pada 12 Julai 2019,
- (v) **Seksyen 6** bermula dari Persimpangan Kapar ke Persimpangan Assam Jawa pada 18 April 2022,
- (vi) **Seksyen 7** dari Persimpangan Assam Jawa ke Persimpangan Tanjung Karang pada 16 Jun 2024; dan
- (vii) **Seksyen 11** bermula Dari Persimpangan Beruas hingga ke Persimpangan Taiping Selatan pada 13 Ogos 2021.

Permohonan bagi *Extension of Time* (EOT) telah pun dikemukakan oleh pihak syarikat konsesi dan permohonan tersebut sedang diproses di peringkat Kementerian akibat daripada pandemik Covid-19. Lebuhraya WCE dijangka siap secara keseluruhan pada tarikh 16 Jun 2024 sebelum EOT diluluskan.

2) Projek Lebuhraya Setiawangsa Pantai atau SPE dijangka siap pada 17 November 2020.

3) Projek Lebuhraya Lembah Klang Timur atau EKVE dijangka siap pada 25 November 2020.

4) Projek Lebuhraya Putrajaya KLIA atau MEX2 dijangka siap pada 04 September 2021.

5) Projek Lebuhraya Bertingkat Damansara Shah Alam atau DASH dijangka siap pada 24 Disember 2021; dan

6) Projek Lebuhraya Bertingkat Sungai Besi Ulu Kelang atau SUKE dijangka siap pada 14 November 2021.

Untuk makluman Ahli Yang Berhormat, untuk Seksyen 4 Lebuhraya Pantai Barat, akan diselaraskan penyiapannya bersekali dengan seksyen 3.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS TAHUN 2020**

PERTANYAAN : LISAN

**DARIPADA : YB DATUK SERI PANGLIMA MADIUS
TANGAU [TUARAN]**

TARIKH : 23 NOVEMBER 2020 (ISNIN)

SOALAN

DATUK SERI PANGLIMA MADIUS TANGAU [TUARAN] minta **PERDANA MENTERI** menyatakan berapa kadar serta angka sebenar kemiskinan di setiap negeri dan khusus untuk Sabah, apakah langkah-langkah untuk mengatasi masalah pengangguran.

JAWAPAN

**YB DATO' SRI MUSTAPA BIN MOHAMED,
MENTERI DI JABATAN PERDANA MENTERI (EKONOMI)**

Tuan Yang Dipertua,

1. Untuk makluman Ahli Yang Berhormat, berdasarkan statistik yang dikeluarkan oleh Jabatan Perangkaan Malaysia, kadar pengangguran di Sabah pada tahun 2019 adalah 5.8 peratus iaitu 74,600 orang lelaki (64%) dan 42,500 orang perempuan (36%). Ksan daripada pandemik Covid-19, ekonomi negara termasuklah Sabah telah terjejas teruk mengakibatkan banyak majikan yang terjejas dari segi pendapatan syarikat mereka. Bagi memastikan pekerja tidak kehilangan pekerjaan dan pencari kerja berpeluang mendapat pekerjaan, Kerajaan telah menyediakan sejumlah peruntukan melalui Pelan Jana Semula Ekonomi

Negara (PENJANA) untuk melaksanakan beberapa skim bagi menangani isu-isu berkaitan pengangguran, penempatan pekerjaan dan latihan.

2. Program Pengekalan Pekerjaan dan Program Subsidi Upah 1.0 di bawah insentif PENJANA merupakan bantuan kewangan yang dibayar kepada majikan setiap perusahaan bagi setiap pekerja tempatan yang bergaji RM4,000 dan ke bawah dalam tempoh 6 bulan bermula April 2020. Peruntukan sebanyak RM15.3 billion telah disediakan bagi program tersebut melalui Pertubuhan Keselamatan Sosial (PERKESO). Selain itu, Program Insentif Pengambilan Pekerja dan Latihan “*upskilling dan reskilling*” yang dijalankan oleh PERKESO dan Pembangunan Sumber Manusia Berhad (HRDF) yang masing-masing bernilai RM 1.5 billion dan RM500 juta merupakan insentif yang diberikan kepada majikan yang mengambil pekerja dan penganggur untuk meningkatkan kemahiran mereka dengan kerjasama Agensi Pekerjaan Swasta dalam tempoh 6 bulan.

3. Antara program yang telah dilaksanakan oleh Jabatan Tenaga Kerja Sabah untuk membantu rakyat adalah dengan mengadakan Program Karnival Kerjaya dan temuduga terbuka ‘norma baharu’ di setiap daerah di negeri Sabah. Ini adalah untuk memastikan pencari kerja di seluruh negeri Sabah tetap mendapat peluang mencari pekerjaan melalui pendekatan ini. Setakat 31 Oktober 2020, seramai 5,469 orang pekerja telah ditempatkan. Walaupun kadar pengangguran telah meningkat di seluruh dunia akibat Pandemik Covid-19, Kerajaan telah mewujudkan inisiatif program-program ini bagi memastikan rakyat Malaysia termasuklah di Sabah terus terbela dan terjaga.

Tuan Yang Dipertua,

4. Bermula 1 November 2020, bagi memantapkan lagi aktiviti perkhidmatan pekerjaan dapat diberikan kepada seluruh rakyat, Kerajaan telah menggunakan Portal *MYFutureJob* sebagai Portal Perkhidmatan Pekerjaan Negara yang baru.

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

DARIPADA : YB SU KEONG SIONG [KAMPAR]

TARIKH : 23 NOVEMBER 2020 (ISNIN)

SOALAN

YB SU KEONG SIONG [KAMPAR] minta **MENTERI PELANCONGAN, SENI DAN BUDAYA** menyatakan langkah-langkah yang diambil oleh Kementerian untuk mengatasi kesan dan impak pandemik wabak COVID-19 kepada sektor pelancongan di negara Malaysia. Apakah inisiatif yang telah diambil untuk mengurangkan kadar pengangguran dan pengekatan pekerjaan di sektor pelancongan terutamanya, perhotelan.

JAWAPAN

Tuan Yang di-Pertua,

1. Penularan wabak COVID-19 telah membawa kesan negatif yang teruk bukan sahaja kepada industri pelancongan tempatan malah turut menjejaskan industri ini di seluruh dunia. Untuk membantu meringankan impak terhadap penggiat industri dan seterusnya memulihkan industri pelancongan tempatan, Kerajaan telah mengumumkan beberapa pakej rangsangan ekonomi (PRE) iaitu PRIHATIN, PRIHATIN PKS TAMBAHAN dan PENJANA. Antara bantuan dan insentif yang disediakan adalah:

- (i) Skim Pembiayaan Pelancongan PENJANA bagi PKS sektor pelancongan;
- (ii) pengecualian cukai pelancongan sepenuhnya bagi tempoh mulai 1 Julai 2020 hingga 30 Jun 2021;
- (iii) pengecualian cukai perkhidmatan ke atas perkhidmatan penginapan mulai 1 September 2020 hingga 30 Jun 2021;
- (iv) pelepasan khas cukai individu sehingga RM1,000 untuk perbelanjaan pelancongan domestik;
- (v) Program Subsidi Upah (PSU) untuk 3 bulan tambahan bagi majikan sedia ada yang sedang menerima PSU dan bantuan PSU selama 6 bulan bagi semua permohonan baru mulai 1 Oktober 2020 hingga 31 Disember 2020;
- (vi) inisiatif bantuan Perusahaan Kecil dan Sederhana (PKS) seperti Skim Pembiayaan PKS PENJANA dan Geran Padanan Pendigitalan PKS;
- (vii) potongan cukai untuk perbelanjaan berkaitan COVID-19 seperti pembelian PPE/ pengimbas suhu dan kos ujian saringan; dan

- (viii) penawaran penangguhan atau moratorium bayaran pinjaman bersasar.

2. Di pihak Kementerian sendiri, Kementerian Pelancongan, Seni dan Budaya (MOTAC) telah dan akan terus melaksanakan inisiatif-inisiatif khusus seperti:

- (i) menawarkan kursus *Domestic Tourism Vibes* secara dalam talian dengan kerjasama Persatuan Institut-institut Latihan Pelancongan Malaysia (ATTIM) dan Malaysian Tourist Guide Council (MTGC);
- (ii) pengecualian bayaran fi lesen bagi pengusaha-pengusaha pelancongan dan pemandu pelancong bermula 17 Mac hingga 31 Disember 2020;
- (iii) pemberian diskaun pembayaran kompaun sebanyak 40% kepada semua pengusaha pelancongan dan pemandu pelancong berlesen yang dikenakan kompaun oleh Kementerian sebelum 31 Disember 2020;
- (iv) pelanjutan tempoh bayaran kompaun sehingga 31 Disember 2020 bagi semua kompaun yang dikeluarkan kepada syarikat atau pemandu pelancong berlesen;
- (v) melonggarkan syarat pembaharuan lesen sedia ada bagi syarikat pengendali pelancongan;
- (vi) melanjutkan permit bas persiaran kepada 15 tahun bagi bas persiaran di Sabah, Sarawak dan Labuan;
- (vii) menyediakan platform dalam talian seperti www.malaysia.travel bagi membolehkan penggiat industri pelancongan memapar, mempromosi dan menawarkan pakej dan produk pelancongan mereka; dan

- (viii) melancarkan Kempen “*Meet In Malaysia*” bagi menggalakkan penganjuran MICE secara hibrid iaitu secara fizikal dan dalam talian serentak di Malaysia sebagai satu bentuk insentif untuk membantu dan menyokong penggiat industri MICE dalam menganjurkan acara perniagaan di Malaysia.

3. Sementara itu, sebaik sahaja pelaksanaan Perintah Kawalan Pergerakan Pemulihan (PKPP) dan pembukaan semula aktiviti ekonomi bermula 10 Jun 2020 yang lalu, MOTAC terus mengambil beberapa langkah untuk merancakkan semula pelancongan domestik dan pada masa yang sama membudayakan pematuhan kepada operasi standard atau SOP-SOP yang telah ditetapkan.

4. Antara program yang telah dan akan dilaksanakan termasuklah:

- (i) “Siri Jelajah Semarakkan Pelancongan Domestik” bagi menggalakkan pelancongan dalam negara yang telah dilancarkan pada 13 Jun 2020 oleh Kementerian ini di seluruh negara. Setakat ini, siri promosi ini telah diadakan di negeri Selangor, Negeri Sembilan, Melaka, Sarawak, Kuala Lumpur, Perlis dan Kedah. Siri promosi tersebut akan diteruskan secara berperingkat apabila keadaan mengizinkan di mana ia akan melibatkan pendedahan kepada produk-produk pelancongan baru serta produk warisan seni dan kebudayaan negara;
- (ii) Pelancaran “Pakej Istimewa Cuti-Cuti Malaysia Bagi Penjawat Awam” pada 3 September 2020 bagi menggalakkan lagi penjawat awam untuk bercuti dalam negara seterusnya membantu meningkatkan pendapatan operator pelancongan yang turut serta; dan
- (iii) “Siri Jelajah Kempen Pembudayaan Norma Baharu” yang akan dijalankan dengan kerjasama Agensi Pengurusan Bencana Negara (NADMA) dan Kementerian Kesihatan Malaysia (KKM)

NO. SOALAN : 19

bagi memberi pendedahan kepada penggiat industri pelancongan akan norma-norma baharu yang perlu diamalkan.

5. Melalui Belanjawan 2021, Kerajaan akan memberikan penggiat sektor pelancongan pengecualian levi tabung HRDF selama 6 bulan berkuatkuasa 1 Januari 2021 bagi membantu mengurangkan beban aliran tunai syarikat yang terjejas akibat penularan COVID-19.

6. Pada masa yang sama, MOTAC akan mensasarkan bantuan dalam bentuk rebat/diskaun atau subsidi pakej pelancongan melalui platform dalam talian serta kerjasama dengan persatuan pelancongan tempatan, taman tema dan persatuan Homestay bagi menawarkan pakej pelancongan yang menarik kepada rakyat. Inisiatif ini akan dilaksanakan apabila situasi semasa mengizinkan.

7. Bagi memastikan tenaga kerja tempatan terutamanya dalam sektor perhotelan kekal berdaya saing, MOTAC telah melaksanakan beberapa inisiatif. Antaranya adalah pelaksanaan Kursus Mesra Malaysia yang bertujuan untuk :

- (i) Melatih barisan hadapan (*frontliners*) dalam sektor pelancongan dengan pembudayaan dan norma baharu;
- (ii) Memberi pendedahan kepada penggiat dan barisan hadapan mengenai isu semasa industri pelancongan dan hala tuju industri pelancongan; dan
- (iii) memastikan barisan hadapan sentiasa memahami kepentingan dan meningkatkan kemahiran bagi memberikan perkhidmatan yang terbaik.

8. Di samping itu, antara inisiatif Kerajaan melalui Kementerian Sumber Manusia (KSM) untuk mengekalkan pekerjaan termasuklah memperkenalkan *Employment Retention Programme (ERP)*, iaitu bantuan segera (*immediate financial assistance*) sebanyak RM600 sebulan kepada

NO. SOALAN : 19

majikan bagi setiap pekerja yang diminta bercuti tanpa gaji (CTG) akibat penularan COVID-19.

9. Juga telah diperkenalkan ialah program-program di bawah PENJANA seperti:

- (i) Program *MyApprentice* - keutamaan diberi kepada graduan baharu iaitu *fresh graduate* atau pelajar lepasan sekolah;
- (ii) Program *HireMalaysia* - pengambilan pekerja tempatan yang juga termasuk graduan;
- (iii) Bantuan Mobiliti secara *one-off* kepada pekerja yang berpindah dari lokasi tempat bermastautin ke tempat kerja baharu;
- (iv) Program Latihan untuk pekerja berdasarkan keperluan majikan;
- (v) Portal Perkhidmatan Pekerjaan Nasional yang dikenali *MYFutureJobs*; dan
- (vi) program Karnival Pekerjaan.

Sekian, terima kasih.

**PEMBERITAHUAN PERTANYAAN JAWAB LISAN
DEWAN RAKYAT MESYUARAT KETIGA, PENGGAL KETIGA
PARLIMEN KEEMPAT BELAS**

PERTANYAAN : JAWAB LISAN
DARIPADA : DATO' NGEH KOO HAM [BERUAS]
TARIKH : 23 NOVEMBER 2020 (ISNIN)

SOALAN

DATO' NGEH KOO HAM [BERUAS] minta **MENTERI PERUSAHAAN PERLADANGAN DAN KOMODITI** menyatakan semua jenis cukai yang dikenakan ke atas industri kelapa sawit dan kadar-kadar yang dikenakan. Adakah Kementerian bercadang mengurangkan kadar atau memansuhkan mana-mana cukai tersebut.

JAWAPAN

Tuan Yang Di-Pertua,

Untuk makluman Ahli Yang Berhormat, terdapat cukai-cukai yang dikenakan secara eksklusif ke atas pemain industri sawit negara seperti berikut:

- (i) Ses MPOB sebanyak RM14 se tan masing-masing ke atas pengeluaran minyak sawit mentah (CPO) dan minyak isirung sawit mentah (CPKO);
- (ii) Levi Keuntungan Luar Biasa ke atas pengeluaran buah tandan segar (BTS) - sebanyak 3 peratus bagi Semenanjung Malaysia dan 1.5 peratus bagi Sabah dan Sarawak apabila harga CPO masing-masing melebihi paras RM2,500 se tan dan RM3,000 se tan;
- (iii) Duti Eksport – dikenakan kepada industri bagi tujuan pengeksportan. Bagi tujuan pengeksportan, duti eksport progresif ke atas produk CPO pada kadar 3 hingga 8 peratus

apabila harga rujukan CPO mencecah paras RM2,250 se tan. Sementara itu, eksport CPKO dan minyak isirung sawit RBD (RBDPKO), masing-masing dikenakan duti sebanyak 10 peratus dan 5 peratus. Walau bagaimanapun, ketiga-tiga duti eksport ini kini diberi pengecualian sehingga Disember 2020 bagi tujuan rangsangan eksport;

- (iv) Cukai Jualan – cukai ini dikenakan kepada pemain industri di Sabah dan Sarawak. Bagi pemain industri di Sabah dan Sarawak, Kerajaan Negeri turut mengenakan cukai jualan iaitu 7.5 peratus ke atas jualan CPO di Sabah apabila harga CPO melebihi RM1,000 se tan. Manakala, di Sarawak pula, cukai jualan ke atas CPO dan CPKO dikenakan pada kadar 2.5 peratus apabila harga CPO berada dalam julat dari RM1,000 hingga RM1,500 se tan. Kadar cukai CPO dan CPKO ditingkatkan kepada 5 peratus apabila harga CPO melebihi paras RM1,500 se tan.

Kerajaan di bawah Kementerian Perusahaan Perladangan dan Komoditi (KPPK) sentiasa memantau keberkesanan dan kesesuaian cukai-cukai yang dikenakan ke atas industri sawit negara. Untuk makluman Yang Di-Pertua, bermula 1 Januari 2020, Kerajaan telah melaksanakan penstrukturan semula kadar duti eksport bagi CPO dengan kadar duti diturunkan daripada 4.5 hingga 8.5 peratus kepada 3 hingga 8 peratus.

Kerajaan juga telah menggantung pelaksanaan duti eksport CPO antara Julai dan Disember 2020 manakala duti eksport CPKO dan RBDPKO telah digantung lebih awal antara Oktober 2019 dan Disember 2020. Kerajaan dari semasa ke semasa akan terus memantau dan mengkaji kesesuaian pelaksanaan cukai-cukai yang dikenakan ke atas pemain industri sawit negara.

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

**DARIPADA : YB DATO' SRI BUNG MOKTAR BIN RADIN
[KINABATANGAN]**

TARIKH : 23 NOVEMBER 2020 (ISNIN)

SOALAN

YB DATO' SRI BUNG MOKTAR BIN RADIN [KINABATANGAN] minta **MENTERI PELANCONGAN, SENI DAN BUDAYA** menyatakan apakah usaha-usaha yang sedang dan akan dibuat oleh Kementerian dalam membantu pengusaha-pengusaha pelancongan yang terjejas akibat pandemik COVID-19 agar perniagaan mereka dapat bertahan dalam industri ini. Berapa lama tempoh yang dijangkakan untuk industri pelancongan dapat dipulihkan selepas pandemik COVID-19 ini berakhir.

JAWAPAN

Tuan Yang di-Pertua,

1. Penularan wabak COVID-19 telah membawa kesan negatif yang teruk bukan sahaja kepada industri pelancongan tempatan malah turut menjejaskan industri ini di seluruh dunia. Untuk membantu meringankan impak terhadap penggiat industri dan seterusnya memulihkan industri pelancongan tempatan, Kerajaan telah mengumumkan beberapa pakej rangsangan ekonomi (PRE) iaitu PRIHATIN, PRIHATIN PKS TAMBAHAN dan PENJANA. Antara bantuan dan insentif yang disediakan adalah:

- (i) Skim Pembiayaan Pelancongan PENJANA bagi PKS sektor pelancongan;
- (ii) pengecualian cukai pelancongan sepenuhnya bagi tempoh mulai 1 Julai 2020 hingga 30 Jun 2021;
- (iii) pengecualian cukai perkhidmatan ke atas perkhidmatan penginapan mulai 1 September 2020 hingga 30 Jun 2021;
- (iv) pelepasan khas cukai individu sehingga RM1,000 untuk perbelanjaan pelancongan domestik;
- (v) Program Subsidi Upah (PSU) untuk 3 bulan tambahan bagi majikan sedia ada yang sedang menerima PSU dan bantuan PSU selama 6 bulan bagi semua permohonan baru mulai 1 Oktober 2020 hingga 31 Disember 2020;
- (vi) inisiatif bantuan Perusahaan Kecil dan Sederhana (PKS) seperti kempen Mikro dan PKS e-Dagang, Skim Pembiayaan PKS PENJANA, Program Pembiayaan Mikro PENJANA dan Geran Padanan Pendigitalan PKS;
- (vii) pemberian diskaun elektrik kepada sektor pelancongan;

NO. SOALAN : 21

- (viii) pemberian bantuan *one-off* sebanyak RM600 kepada pemandu pelancong berlesen dengan MOTAC;
- (ix) potongan cukai untuk perbelanjaan berkaitan COVID-19 seperti pembelian PPE/ pengimbas suhu dan kos ujian saringan; dan
- (x) penawaran penangguhan atau moratorium bayaran pinjaman bersasar.

2. Di pihak Kementerian sendiri, Kementerian Pelancongan, Seni dan Budaya (MOTAC) telah dan akan terus melaksanakan inisiatif-inisiatif khusus seperti:

- (i) menawarkan kursus *Domestic Tourism Vibes* secara dalam talian dengan kerjasama Persatuan Institut-institut Latihan Pelancongan Malaysia (ATTIM) dan Malaysian Tourist Guide Council (MTGC);
- (ii) pengecualian bayaran fi lesen bagi pengusaha-pengusaha pelancongan dan pemandu pelancong bermula 17 Mac hingga 31 Disember 2020;
- (iii) pemberian diskaun pembayaran kompaun sebanyak 40% kepada semua pengusaha pelancongan dan pemandu pelancong berlesen yang dikenakan kompaun oleh Kementerian sebelum 31 Disember 2020;
- (iv) pelanjutan tempoh bayaran kompaun sehingga 31 Disember 2020 bagi semua kompaun yang dikeluarkan kepada syarikat atau pemandu pelancong berlesen;
- (v) melonggarkan syarat pembaharuan lesen sedia ada bagi syarikat pengendali pelancongan;
- (vi) melanjutkan permit bas persiaran kepada 15 tahun bagi bas persiaran di Sabah, Sarawak dan Labuan;

- (vii) menyediakan platform dalam talian seperti www.malaysia.travel bagi membolehkan penggiat industri pelancongan memapar, mempromosi dan menawarkan pakej dan produk pelancongan mereka; dan
 - (viii) melancarkan Kempen “*Meet In Malaysia*” bagi menggalakkan penganjuran MICE secara hibrid iaitu secara fizikal dan dalam talian serentak di Malaysia sebagai satu bentuk insentif untuk membantu dan menyokong penggiat industri MICE dalam menganjurkan acara perniagaan di Malaysia.
3. Sementara itu, sebaik sahaja pelaksanaan Perintah Kawalan Pergerakan Pemulihan (PKPP) dan pembukaan semula aktiviti ekonomi bermula 10 Jun 2020 yang lalu, MOTAC terus mengambil beberapa langkah untuk merancakkan semula pelancongan domestik dan pada masa yang sama membudayakan pematuhan kepada operasi standard atau SOP-SOP yang telah ditetapkan.
4. Antara program yang telah dan akan dilaksanakan termasuklah:
- (i) “Siri Jelajah Semarakkan Pelancongan Domestik” bagi menggalakkan pelancongan dalam negara yang telah dilancarkan pada 13 Jun 2020 oleh Kementerian ini di seluruh negara. Setakat ini, siri promosi ini telah diadakan di negeri Selangor, Negeri Sembilan, Melaka, Sarawak, Kuala Lumpur, Perlis dan Kedah. Siri promosi tersebut akan diteruskan secara berperingkat apabila keadaan mengizinkan di mana ia akan melibatkan pendedahan kepada produk-produk pelancongan baru serta produk warisan seni dan kebudayaan negara;
 - (ii) Pelancaran “Pakej Istimewa Cuti-Cuti Malaysia Bagi Penjawat Awam” pada 3 September 2020 bagi menggalakkan lagi penjawat awam untuk bercuti dalam negara seterusnya membantu meningkatkan pendapatan operator pelancongan yang turut serta; dan

- (iii) “Siri Jelajah Kempen Pembudayaan Norma Baharu” yang akan dijalankan dengan kerjasama Agensi Pengurusan Bencana Negara (NADMA) dan Kementerian Kesihatan Malaysia (KKM) bagi memberi pendedahan kepada penggiat industri pelancongan akan norma-norma baharu yang perlu diamalkan.

5. Melalui Belanjawan 2021, Kerajaan telah mengumumkan Geran Khas Prihatin Tambahan RM1,000 kepada penggiat industri pelancongan di negeri Sabah yang terjejas teruk ekoran kekurangan kehadiran pelancong akibat penularan COVID-19. Antara yang bakal menerima manfaat daripada geran khas ini termasuklah pemandu teksi dan *e-hailing*, kereta sewa dan pemandu pelancong di Sabah. Belanjawan 2021 juga akan memberikan penggiat sektor pelancongan pengecualian levi tabung HRDF selama 6 bulan berkuatkuasa 1 Januari 2021 bagi membantu mengurangkan beban aliran tunai syarikat yang terjejas akibat penularan COVID-19.

6. Pada masa yang sama, MOTAC akan mensasarkan bantuan dalam bentuk rebat/diskaun atau subsidi pakej pelancongan melalui platform dalam talian serta kerjasama dengan persatuan pelancongan tempatan, taman tema dan persatuan Homestay bagi menawarkan pakej pelancongan yang menarik kepada rakyat. Inisiatif ini akan dilaksanakan apabila situasi semasa mengizinkan.

7. Berhubung tempoh pemulihan industri pelancongan, UNWTO (*The United Nations World Tourism Organisation*) serta firma-firma perunding antarabangsa iaitu McKinsey & Co. dan Deloitte meramalkan industri pelancongan akan kembali pulih dalam tempoh 4 hingga 7 tahun, mengambil kira sempadan negara dibuka sepenuhnya pada suku tahun ketiga 2021 dan vaksin COVID-19 telah ditemui.

Sekian, terima kasih.

**PEMBERITAHUAN PERTANYAAN JAWAB LISAN
DEWAN RAKYAT MESYUARAT KETIGA, PENGGAL KETIGA
PARLIMEN KEEMPAT BELAS**

PERTANYAAN : JAWAB LISAN

**DARIPADA : DATUK SERI SHAMSUL ISKANDAR @ YUSRE
BIN MOHD AKIN [HANG TUAH JAYA]**

TARIKH : 23 NOVEMBER 2020 (ISNIN)

SOALAN

DATUK SERI SHAMSUL ISKANDAR @ YUSRE BIN MOHD AKIN [HANG TUAH JAYA] minta **MENTERI PERUSAHAAN PERLADANGAN DAN KOMODITI** menyatakan perincian terma-terma yang diminta Kerajaan Republik Rakyat China (PRC) dalam kerjasama bilateral Malaysia dan China yang bersetuju membeli minyak sawit Malaysia sebanyak 1.7 juta tan sehingga tahun 2023 dan apakah bentuk kerjasama tiga hala menggunakan produk berasaskan kelapa sawit Malaysia yang dikatakan boleh menangani keselamatan makanan di negara ketiga.

JAWAPAN

Tuan Yang Di-Pertua,

Untuk makluman Ahli Yang Berhormat, Republik Rakyat China (RRC) telah menyatakan persetujuan untuk membeli minyak sawit dan produk berasaskan sawit sebanyak 1.7 juta tan sehingga tahun 2023. Persetujuan ini dibuat semasa pertemuan TYT Wang Yi, Menteri Luar RRC bersama YB Dato' Seri Hishammuddin Tun Hussein, Menteri Luar Negeri pada 13 Oktober 2020. Kementerian ini menyambut baik di atas usaha yang dimainkan oleh Kementerian Luar Negeri dalam membantu Kementerian ini untuk meningkatkan eksport minyak sawit Malaysia ke luar negara.

Sebagai makluman Ahli Berhormat, Kementerian ini sentiasa komited dalam meningkatkan jumlah dan nilai eksport minyak sawit dengan pelbagai negara. Contohnya, persetujuan China untuk membeli minyak sawit sebanyak 1.7 juta tan ini adalah rentetan dari perjanjian yang ditelah dimeterai antara Kementerian Industri Utama dengan *China Chamber of Commerce of Import and Export of Foodstuffs, Native Produce and Animal By-Products (CFNA)* pada tahun 2019. Kementerian ini juga sentiasa berhubung dengan pihak-pihak berwajib di China bagi memastikan perjanjian yang dipersetujui ini sentiasa dilaksanakan.

Sebagai makluman, RRC telah mengimport minyak sawit dan produk berasaskan sawit sebanyak 3.9 juta tan bernilai hampir RM9.2 bilion pada tahun 2019. Manakala, sehingga Ogos 2020, RRC telah mengimport minyak sawit dan produk berasaskan sawit sebanyak 2.5 juta tan bernilai RM6.6 bilion.

Tuan Yang Di-Pertua,

Pada masa ini, Malaysia tidak mempunyai sebarang kerjasama tiga hala khusus berkaitan keselamatan makanan berasaskan sawit. Namun begitu, Kementerian melalui pejabat-pejabat serantau dibawah Lembaga Minyak Sawit Malaysia (MPOB) dan Majlis Minyak Sawit Malaysia (MPOC) sentiasa bekerjasama rapat dengan syarikat-syarikat, pihak industri dan pihak Kerajaan di negara-negara pengimport. Kerjasama ini termasuk berkenaan keselamatan makanan dengan memperluaskan maklumat berkenaan kebaikan minyak sawit dan bantuan teknikal supaya minyak sawit selamat digunakan oleh pengguna di negara pengimport.

Antara bantuan teknikal yang diberikan ialah khidmat nasihat kaedah pemprosesan minyak sawit untuk dijadikan produk-produk makanan. Saya percaya dengan bantuan teknikal sebegini, isu keselamatan makanan di negara-negara pengimport dapat ditangani dengan efektif serta dapat menaikkan imej minyak sawit sebagai bahan yang selamat dalam produk-produk makanan.

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

**DARIPADA : YB MUHAMMAD BAKHTIAR BIN WAN CHIK
[BALIK PULAU]**

TARIKH : 23 NOVEMBER 2020 (ISNIN)

SOALAN

YB MUHAMMAD BAKHTIAR BIN WAN CHIK [BALIK PULAU] minta **MENTERI PELANCONGAN, SENI DAN BUDAYA** menyatakan inisiatif yang diambil bagi membantu pemain-pemain industri pelancongan dan yang berkaitan supaya industri ini terus mampan (*sustainable*) walaupun terkesan teruk akibat dari kesan pandemik COVID-19.

JAWAPAN

Tuan Yang di-Pertua,

1. Penularan wabak COVID-19 telah membawa kesan negatif yang teruk bukan sahaja kepada industri pelancongan tempatan malah turut menjejaskan industri ini di seluruh dunia. Untuk membantu meringankan impak terhadap penggiat industri dan seterusnya memulihkan industri pelancongan tempatan, Kerajaan telah mengumumkan beberapa pakej rangsangan ekonomi (PRE) iaitu PRIHATIN, PRIHATIN PKS TAMBAHAN dan PENJANA. Antara bantuan dan insentif yang disediakan adalah:

- (i) Skim Pembiayaan Pelancongan PENJANA bagi PKS sektor pelancongan;
- (ii) pengecualian cukai pelancongan sepenuhnya bagi tempoh mulai 1 Julai 2020 hingga 30 Jun 2021;

NO. SOALAN : 23

- (iii) pengecualian cukai perkhidmatan ke atas perkhidmatan penginapan mulai 1 September 2020 hingga 30 Jun 2021;
- (iv) pelepasan khas cukai individu sehingga RM1,000 untuk perbelanjaan pelancongan domestik;
- (v) Program Subsidi Upah (PSU) untuk 3 bulan tambahan bagi majikan sedia ada yang sedang menerima PSU dan bantuan PSU selama 6 bulan bagi semua permohonan baru mulai 1 Oktober 2020 hingga 31 Disember 2020;
- (vi) inisiatif bantuan Perusahaan Kecil dan Sederhana (PKS) seperti Skim Pembiayaan PKS PENJANA dan Geran Padanan Pendigitalan PKS;
- (vii) potongan cukai untuk perbelanjaan berkaitan COVID-19 seperti pembelian PPE/ pengimbas suhu dan kos ujian saringan; dan
- (viii) penawaran penangguhan atau moratorium bayaran pinjaman bersasar.

2. Di pihak Kementerian sendiri, Kementerian Pelancongan, Seni dan Budaya (MOTAC) telah dan akan terus melaksanakan inisiatif-inisiatif khusus seperti:

- (i) menawarkan kursus *Domestic Tourism Vibes* secara dalam talian dengan kerjasama Persatuan Institut-institut Latihan Pelancongan Malaysia (ATTIM) dan Malaysian Tourist Guide Council (MTGC);
- (ii) pengecualian bayaran fi lesen bagi pengusaha-pengusaha pelancongan dan pemandu pelancong bermula 17 Mac hingga 31 Disember 2020;
- (iii) pemberian diskaun pembayaran kompaun sebanyak 40% kepada semua pengusaha pelancongan dan pemandu

pelancong berlesen yang dikenakan kompaun oleh Kementerian sebelum 31 Disember 2020;

- (iv) pelanjutan tempoh bayaran kompaun sehingga 31 Disember 2020 bagi semua kompaun yang dikeluarkan kepada syarikat atau pemandu pelancong berlesen;
- (v) melonggarkan syarat pembaharuan lesen sedia ada bagi syarikat pengendali pelancongan;
- (vi) melanjutkan permit bas persiaran kepada 15 tahun bagi bas persiaran di Sabah, Sarawak dan Labuan;
- (vii) menyediakan platform dalam talian seperti www.malaysia.travel bagi membolehkan penggiat industri pelancongan memapar, mempromosi dan menawarkan pakej dan produk pelancongan mereka; dan
- (viii) melancarkan Kempen “*Meet In Malaysia*” bagi menggalakkan penganjuran MICE secara hibrid iaitu secara fizikal dan dalam talian serentak di Malaysia sebagai satu bentuk insentif untuk membantu dan menyokong penggiat industri MICE dalam menganjurkan acara perniagaan di Malaysia.

3. Sementara itu, sebaik sahaja pelaksanaan Perintah Kawalan Pergerakan Pemulihan (PKPP) dan pembukaan semula aktiviti ekonomi bermula 10 Jun 2020 yang lalu, MOTAC terus mengambil beberapa langkah untuk merancakkan semula pelancongan domestik dan pada masa yang sama membudayakan pematuhan kepada operasi standard atau SOP-SOP yang telah ditetapkan.

4. Antara program yang telah dan akan dilaksanakan termasuklah:

- (i) “Siri Jelajah Semarakkan Pelancongan Domestik” bagi menggalakkan pelancongan dalam negara yang telah dilancarkan pada 13 Jun 2020 oleh Kementerian ini di seluruh negara. Setakat ini, siri promosi ini telah diadakan di negeri

Selangor, Negeri Sembilan, Melaka, Sarawak, Kuala Lumpur, Perlis dan Kedah. Siri promosi tersebut akan diteruskan secara berperingkat apabila keadaan mengizinkan di mana ia akan melibatkan pendedahan kepada produk-produk pelancongan baru serta produk warisan seni dan kebudayaan negara;

- (ii) Pelancaran “Pakej Istimewa Cuti-Cuti Malaysia Bagi Penjawat Awam” pada 3 September 2020 bagi menggalakkan lagi penjawat awam untuk bercuti dalam negara seterusnya membantu meningkatkan pendapatan operator pelancongan yang turut serta; dan
- (iii) “Siri Jelajah Kempen Pembudayaan Norma Baharu” yang akan dijalankan dengan kerjasama Agensi Pengurusan Bencana Negara (NADMA) dan Kementerian Kesihatan Malaysia (KKM) bagi memberi pendedahan kepada penggiat industri pelancongan akan norma-norma baharu yang perlu diamalkan.

5. Melalui Belanjawan 2021, Kerajaan akan memberikan penggiat sektor pelancongan pengecualian levi tabung HRDF selama 6 bulan berkuatkuasa 1 Januari 2021 bagi membantu mengurangkan beban aliran tunai syarikat yang terjejas akibat penularan COVID-19.

6. Pada masa yang sama, MOTAC akan mensasarkan bantuan dalam bentuk rebat/diskaun atau subsidi pakej pelancongan melalui platform dalam talian serta kerjasama dengan persatuan pelancongan tempatan, taman tema dan persatuan Homestay bagi menawarkan pakej pelancongan yang menarik kepada rakyat. Inisiatif ini akan dilaksanakan apabila situasi semasa mengizinkan.

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT KETIGA, PENGGAL KETIGA
PARLIMEN KEEMPAT BELAS**

PERTANYAAN : LISAN

**DARIPADA : DATO' SRI ABDUL AZEEZ BIN ABDUL RAHIM
[BALING]**

TARIKH : 23 NOVEMBER 2020 (ISNIN)

SOALAN

DATO' SRI ABDUL AZEEZ BIN ABDUL RAHIM [BALING] minta **PERDANA MENTERI** menyatakan hasil siasatan dakwaan penggelapan wang milik Tabung Haji oleh pengurusan tertinggi antara tahun 2009 hingga 2017 dan apakah langkah yang telah diambil oleh Kementerian hasil daripada siasatan tersebut.

JAWAPAN : (MENTERI DI JABATAN PERDANA MENTERI)

Tuan Yang Di-Pertua,

Untuk makluman Ahli Yang Berhormat, laporan Polis Diraja Malaysia (PDRM) serta Suruhanjaya Pencegahan Rasuah Malaysia (SPRM) terhadap kes-kes melibatkan salahlaku pengurusan terdahulu telah dibuat sejak 30 November 2018 lalu. Buat masa ini, kes-kes tersebut masih di dalam siasatan pihak berkuasa terbabit. Pihak Jabatan Perdana Menteri menyerahkan sepenuhnya kepada pihak berkuasa untuk menyiasat kes tersebut mengikut lunas undang-undang. Tindakan yang sewajarnya akan diambil setelah selesai proses siasatan tersebut.

Sekian. Terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

**DARIPADA : YB TUAN AKMAL NASRULLAH BIN MOHD
NASIR [JOHOR BAHRU]**

TARIKH : 23 NOVEMBER 2020 (ISNIN)

SOALAN

TUAN AKMAL NASRULLAH BIN MOHD. NASIR [JOHOR BAHRU] minta **PERDANA MENTERI** menyatakan adakah terdapat inisiatif oleh Kerajaan untuk menjimatkan perbelanjaan pengurusan khususnya berkaitan lantikan politik bagi meningkatkan perbelanjaan pembangunan disebabkan pendapatan negara yang mungkin terjajas disebabkan kelembapan ekonomi domestik dan global.

JAWAPAN

**YB DATO' TAKIYUDDIN BIN HASSAN,
MENTERI DI JABATAN PERDANA MENTERI (PARLIMEN DAN
UNDANG-UNDANG)**

Tuan Yang di-Pertua,

Untuk makluman Yang Berhormat, pelantikan-pelantikan jawatan di pejabat Anggota Pentadbiran adalah mengikut keperluan dan tertakluk kepada jumlah perjawatan yang diluluskan oleh JPA dan Kementerian Kewangan. Amalan ini sama seperti mana kerajaan sebelum ini.

Manakala jika yang terhormat maksudkan ia pelantikan penasihat atau duta khas, ia juga berdasarkan keperluan kerajaan yang sedang mentadbir iaitu bagi memastikan perjalanan pentadbiran negara adalah kemas dan lancar. Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

**DARIPADA : YB TUAN SYED SADDIQ BIN SYED ABDUL
RAHMAN [MUAR]**

TARIKH : 23 NOVEMBER 2020 (ISNIN)

SOALAN

TUAN SYED SADDIQ BIN SYED ABDUL RAHMAN [MUAR] minta **PERDANA MENTERI** menyatakan menyatakan bilakah Rang Undang-Undang Langkah-Langkah Sementara Bagi Mengurangkan Kesan Penyakit Koronavirus 2019 (COVID- 19) 2020 akan diwartakan. Adakah pihak Kerajaan akan mempercepatkan proses ini supaya RUU ini dapat dikuatkuasakan dengan segera.

JAWAPAN

**YB DATO' TAKIYUDDIN BIN HASSAN, MENTERI DI JABATAN
PERDANA MENTERI (PARLIMEN DAN UNDANG-UNDANG)**

Tuan Yang di-Pertua,

Untuk makluman Ahli yang Berhormat, Rang Undang-Undang Langkah Sementara Bagi Mengurangkan Kesan Penyakit Koronavirus 2019 (COVID-19) 2020 telah mendapat perkenan Seri Paduka Baginda Yang di-Pertuan Agong pada 16 Oktober 2020 selaras dengan Perkara 66 Perlembagaan Persekutuan. Seterusnya Rang Undang-Undang ini telah diwartakan pada 23 Oktober 2020 sebagai Akta Langkah-Langkah Sementara bagi Mengurangkan Kesan Penyakit Koronavirus 2019 (COVID-19) 2020 [Akta 829]. Akta ini akan berkuat kuasa selama 2 tahun dari tarikh pewartaan pada 23 Oktober 2020 atau sebagaimana tarikh permulaan kuat kuasa yang telah diperuntukkan di mana-mana Bahagian-Bahagian berkaitan dalam Akta ini. Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

DARIPADA : YB TUAN CHONG CHIENG JEN [STAMPIN]

TARIKH : 23 NOVEMBER 2020 (ISNIN)

SOALAN

TUAN CHONG CHIENG JEN [STAMPIN] minta **PERDANA MENTERI** menyatakan apakah jumlah jawatan atasan (JUSA C ke atas) di perkhidmatan awam dan apakah angka pecahan dari segi bangsa dan negeri asal yang menjawat jawatan itu

JAWAPAN

**YB DATO' TAKIYUDDIN BIN HASSAN, MENTERI DI JABATAN
PERDANA MENTERI (PARLIMEN DAN UNDANG-UNDANG)**

Tuan Yang di-Pertua,

Untuk makluman Ahli Yang Berhormat, berdasarkan data daripada Sistem Pengurusan Maklumat Sumber Manusia (HRMIS) Jabatan Perkhidmatan Awam (JPA), sehingga 20 Oktober 2020, jumlah pegawai Kumpulan Pengurusan Tertinggi (Jusa C dan ke atas) terdiri dari pelbagai skim-skim perkhidmatan adalah seramai 4,125 orang.

Peratus bilangan pegawai Kumpulan Pengurusan Tertinggi **berbanding jumlah penjawat awam mengikut pecahan kaum masing-masing** ialah Melayu **0.34%**, Cina **0.56%**, India **0.52%**, Bumiputera Sabah **0.07%**, Bumiputera Sarawak **0.10%**, Orang Asli **0.13%** dan lain-lain **0.49%**.

Manakala dari segi negeri asal, Pegawai Kumpulan Pengurusan Tertinggi kelahiran negeri Perak merupakan bilangan yang tertinggi iaitu seramai 555 orang, diikuti negeri Johor seramai 508 orang, Kelantan seramai 446 orang, Selangor seramai 391 orang, Kedah seramai 326 orang, Pulau Pinang seramai 262 orang, Negeri Sembilan seramai 255 orang, Terengganu seramai 238 orang, W.P Kuala Lumpur seramai 224 orang, Melaka seramai 222 orang, Pahang seramai 211 orang, Sarawak seramai 181 orang, Sabah seramai 123 orang, Perlis seramai 62 orang, W.P. Labuan seramai 29 dan lain-lain tempat kelahiran seperti di luar negara seramai 92 orang.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

**DARIPADA : YB DATO' SERI UTAMA HAJI MUKHRIZ BIN
TUN DR. MAHATHIR [JERLUN]**

TARIKH : 23 NOVEMBER 2020 (ISNIN)

SOALAN

DATO' SERI UTAMA HAJI MUKHRIZ BIN TUN DR. MAHATHIR

[JERLUN] minta **PERDANA MENTERI** menyatakan mengapa satu Rang Undang- Undang baharu tidak boleh digubal bagi menyekat seorang Wakil Rakyat, baik di peringkat Parlimen mahupun Dewan Undangan Negeri, dari melompat ke parti politik yang lain tanpa perlu kerusi kawasan yang diwakilinya itu dikosongkan dan dipertandingkan semula melalui Pilihan Raya Kecil.

JAWAPAN

**YB DATO' TAKIYUDDIN BIN HASSAN, MENTERI DI JABATAN
PERDANA MENTERI (PARLIMEN DAN UNDANG-UNDANG)**

Tuan Yang di-Pertua,

Pada masa ini, Kerajaan berpandangan bahawa setiap warganegara adalah dijamin hak untuk bebas berpersatuan selaras dengan Fasal (1)(c) Perkara 10 Perlembagaan Persekutuan yang mana hak untuk membentuk persatuan ini turut telah dibincangkan dalam keputusan Mahkamah Persekutuan dalam kes Dewan Undangan Negeri Kelantan & Anor v Nordin bin Salleh & Anor [1992] 1 CLJ 343 dan kes Tun Datu Haji Mustapha bin Datu Harun v. State Legislative Assembly of Sabah & Anor (No. 1, No. 2 and No. 3) 1993 [1 MLJ 26], [1 CLJ 86] dan [3 CLJ 546]. Namun, sekiranya Kerajaan berpandangan terdapat keperluan untuk menggubal undang-undang lompat parti ini pada masa akan datang, sudah pasti kajian terperinci akan dilakukan termasuklah dengan mengadakan perbandingan *best practices* dengan negara-negara lain. Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : JAWAB LISAN

**DARIPADA : DATO' SERI DR. AHMAD ZAHID
BIN HAMIDI [BAGAN DATUK]**

TARIKH : 23 NOVEMBER 2020 (ISNIN)

SOALAN

Minta **MENTERI BELIA DAN SUKAN** menyatakan berapa jumlah terkini peserta yang terlibat dalam program Skim Perantisan Nasional (SPN) sehingga kini, dan program ini akan diperluaskan lagi pada masa akan datang.

JAWAPAN

Tuan Yang di-Pertua,

1. Program Skim Perantisan Nasional (SPN) melibatkan penempatan latihan perantisan selama 6 bulan. Perantis akan ditempatkan di syarikat mengikut keperluan bidang kerja dan kemahiran yang diperlukan oleh syarikat tersebut. Dalam tempoh penempatan selama 6 bulan ini, perantis akan mengikuti latihan kemahiran *soft skill* yang dikendalikan oleh penyedia latihan secara berkala.
2. Sehingga 21 Oktober 2020, statistik data SPN adalah seperti berikut:

Jumlah permohonan keseluruhan perantis SPN	2,030 orang
Jumlah Syarikat dan <i>Training Provider</i>	62 syarikat 3 <i>Training Provider</i>
Jumlah penempatan	636 orang
Jumlah kekosongan jawatan yang ditawarkan oleh Syarikat dan <i>Training Provider</i>	501 kekosongan

3. Perancangan untuk program Skim Perantisan Nasional ini dicadangkan untuk diperluaskan lagi sehingga tahun 2021 dengan melibatkan lebih banyak syarikat-syarikat berkaitan kerajaan serta lain-lain syarikat dan agensi di bawah kementerian.

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

DARIPADA : YB FONG KUI LUN [BUKIT BINTANG]

TARIKH : 23 NOVEMBER 2020 (ISNIN)

SOALAN

YB FONG KUI LUN [BUKIT BINTANG] minta **MENTERI PELANCONGAN, SENI DAN BUDAYA** menyatakan:

- (a) prestasi sektor pelancongan negara kita sepanjang tempoh 2020; dan
- (b) apakah perancangan untuk menggerak dan menghidupkan sektor ini dalam tempoh PKPP bagi menyelamatkan golongan berkepentingan yang terjejas akibat penularan pandemik COVID-19.

JAWAPAN

Tuan Yang di-Pertua,

1. Bagi tempoh separuh tahun pertama 2020, ketibaan pelancong asing ke Malaysia telah menurun sebanyak 68.2% kepada 4,252,997 orang berbanding 13,354,575 orang pelancong asing berbanding tempoh yang sama pada tahun 2019. Perbelanjaan pelancong juga mengalami penurunan sebanyak 69.8% kepada RM12,572.3 juta berbanding RM41,687 juta bagi tempoh yang sama pada tahun lalu.

2. Selanjutnya, Kementerian Pelancongan, Seni dan Budaya (MOTAC) menjangkakan anggaran kerugian melebihi RM100 bilion bagi industri pelancongan pada tahun 2020 akibat kehilangan perbelanjaan pelancong terutamanya yang berkaitan dengan penginapan, pengangkutan, membeli-belah, makanan dan minuman. Berikutan gelombang ketiga penularan COVID-19 yang melanda negara dan Pelaksanaan Perintah Kawalan Bersyarat (PKPB) dan Pelaksanaan Perintah Kawalan Diperketatkan (PKPD) di beberapa lokasi ketika ini, MOTAC sedang melihat kembali anggaran nilai impak tersebut.

3. Penularan wabak COVID-19 telah membawa kesan negatif yang teruk bukan sahaja kepada industri pelancongan tempatan malah turut menjejaskan industri ini di seluruh dunia. Untuk membantu meringankan impak terhadap penggiat industri dan seterusnya memulihkan industri pelancongan tempatan, Kerajaan telah mengumumkan beberapa pakej rangsangan ekonomi (PRE) iaitu PRIHATIN, PRIHATIN PKS TAMBAHAN dan PENJANA. Antara bantuan dan insentif yang disediakan adalah:

- (i) Skim Pembiayaan Pelancongan PENJANA bagi PKS sektor pelancongan;
- (ii) pengecualian cukai pelancongan sepenuhnya bagi tempoh mulai 1 Julai 2020 hingga 30 Jun 2021;

NO. SOALAN : 30

- (iii) pengecualian cukai perkhidmatan ke atas perkhidmatan penginapan mulai 1 September 2020 hingga 30 Jun 2021;
- (iv) pelepasan khas cukai individu sehingga RM1,000 untuk perbelanjaan pelancongan domestik;
- (v) Program Subsidi Upah (PSU) untuk 3 bulan tambahan bagi majikan sedia ada yang sedang menerima PSU dan bantuan PSU selama 6 bulan bagi semua permohonan baru mulai 1 Oktober 2020 hingga 31 Disember 2020;
- (vi) inisiatif bantuan Perusahaan Kecil dan Sederhana (PKS) seperti Skim Pembiayaan PKS PENJANA dan Geran Padanan Pendigitalan PKS;
- (vii) potongan cukai untuk perbelanjaan berkaitan COVID-19 seperti pembelian PPE/ pengimbas suhu dan kos ujian saringan; dan
- (viii) penawaran penanguguhan atau moratorium bayaran pinjaman bersasar.

4. Di pihak Kementerian sendiri, Kementerian Pelancongan, Seni dan Budaya (MOTAC) telah dan akan terus melaksanakan inisiatif-inisiatif khusus seperti:

- (i) menawarkan kursus *Domestic Tourism Vibes* secara dalam talian dengan kerjasama Persatuan Institut-institut Latihan Pelancongan Malaysia (ATTIM) dan Malaysian Tourist Guide Council (MTGC);
- (ii) pengecualian bayaran fi lesen bagi pengusaha-pengusaha pelancongan dan pemandu pelancong bermula 17 Mac hingga 31 Disember 2020;

NO. SOALAN : 30

- (iii) pemberian diskaun pembayaran kompaun sebanyak 40% kepada semua pengusaha pelancongan dan pemandu pelancong berlesen yang dikenakan kompaun oleh Kementerian sebelum 31 Disember 2020;
- (iv) pelanjutan tempoh bayaran kompaun sehingga 31 Disember 2020 bagi semua kompaun yang dikeluarkan kepada syarikat atau pemandu pelancong berlesen;
- (v) melonggarkan syarat pembaharuan lesen sedia ada bagi syarikat pengendali pelancongan;
- (vi) melanjutkan permit bas persiaran kepada 15 tahun bagi bas persiaran di Sabah, Sarawak dan Labuan; dan
- (vii) melancarkan Kempen “*Meet In Malaysia*” bagi menggalakkan penganjuran MICE secara hibrid iaitu secara fizikal dan dalam talian serentak di Malaysia sebagai satu bentuk insentif untuk membantu dan menyokong penggiat industri MICE dalam menganjurkan acara perniagaan di Malaysia.

5. Sementara itu, sebaik sahaja pelaksanaan Perintah Kawalan Pergerakan Pemulihan (PKPP) dan pembukaan semula aktiviti ekonomi bermula 10 Jun 2020 yang lalu, MOTAC terus mengambil beberapa langkah untuk merencanakan semula pelancongan domestik dan pada masa yang sama membudayakan pematuhan kepada operasi standard atau SOP-SOP yang telah ditetapkan.

6. Antara program yang telah dan akan dilaksanakan termasuklah:

- (i) “Siri Jelajah Semarakkan Pelancongan Domestik” bagi menggalakkan pelancongan dalam negara yang telah dilancarkan pada 13 Jun 2020 oleh Kementerian ini di seluruh negara. Setakat ini, siri promosi ini telah diadakan di negeri Selangor, Negeri Sembilan, Melaka, Sarawak, Kuala Lumpur,

Perlis dan Kedah. Siri promosi tersebut akan diteruskan secara berperingkat apabila keadaan mengizinkan di mana ia akan melibatkan pendedahan kepada produk-produk pelancongan baru serta produk warisan seni dan kebudayaan negara;

- (ii) Pelancaran “Pakej Istimewa Cuti-Cuti Malaysia Bagi Penjawat Awam” pada 3 September 2020 bagi menggalakkan lagi penjawat awam untuk bercuti dalam negara seterusnya membantu meningkatkan pendapatan operator pelancongan yang turut serta; dan
- (iii) “Siri Jelajah Kempen Pembudayaan Norma Baharu” yang akan dijalankan dengan kerjasama Agensi Pengurusan Bencana Negara (NADMA) dan Kementerian Kesihatan Malaysia (KKM) bagi memberi pendedahan kepada penggiat industri pelancongan akan norma-norma baharu yang perlu diamalkan.

7. Melalui Belanjawan 2021, Kerajaan akan memberikan penggiat sektor pelancongan pengecualian levi tabung HRDF selama 6 bulan berkuatkuasa 1 Januari 2021 bagi membantu mengurangkan beban aliran tunai syarikat yang terjejas akibat penularan COVID-19.

8. Pada masa yang sama, MOTAC akan mensasarkan bantuan dalam bentuk rebat/diskaun atau subsidi pakej pelancongan melalui platform dalam talian serta kerjasama dengan persatuan pelancongan tempatan, taman tema dan persatuan Homestay bagi menawarkan pakej pelancongan yang menarik kepada rakyat. Inisiatif ini akan dilaksanakan apabila situasi semasa mengizinkan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

**DARIPADA : PUAN RUSNAH BINTI ALUAI
[TANGGA BATU]**

TARIKH : 23 NOVEMBER 2020 (ISNIN)

SOALAN

Minta **PERDANA MENTERI** menyatakan apakah bidang-bidang baru sektor pekerjaan dan perniagaan yang diwujudkan oleh Kerajaan maupun swasta dan persendirian pasca Pandemik COVID-19.

JAWAPAN

**YB DATO' SRI MUSTAPA BIN MOHAMED,
MENTERI DI JABATAN PERDANA MENTERI (EKONOMI)**

Tuan Yang di-Pertua,

1. Pandemik COVID-19 telah menjejaskan pertumbuhan ekonomi semasa. Walau bagaimanapun, Kerajaan telah mengambil pelbagai inisiatif bagi memastikan kesan COVID-19 kepada rakyat dapat dikurangkan dan ekonomi dapat beroperasi dalam norma baharu melalui skim PRIHATIN dan PENJANA.

2. Buat masa ini, rakyat Malaysia yang terkesan dengan pandemik ini masih berpeluang untuk memohon insentif PENJANA. Bagi golongan yang ingin memulakan atau mengekalkan kelangsungan perniagaan, boleh memanfaatkan inisiatif seperti pembiayaan PKS PENJANA, kempen e-dagang kepada perusahaan mikro dan PKS, kempen *Shop Malaysia Online* serta Pusat Sehati *MyAssist SME* di bawah Tonggak Melonjakkan Perniagaan. Bagi golongan pekerja pula, mereka boleh memanfaatkan inisiatif di bawah Tonggak Memperkasakan Rakyat seperti

program kemahiran dan peningkatan kemahiran, perlindungan sosial dan latihan bagi pekerja ekonomi gig, insentif pengaturan kerja fleksibel, subsidi penjagaan anak dan bantuan sosial bagi golongan mudah terjejas.

3. Pertumbuhan ekonomi pasca Covid-19 dijangka akan dipacu oleh pertumbuhan sektor perkhidmatan dan pembuatan dengan disokong oleh sektor pertanian. Pemacu utama sektor perkhidmatan adalah subsektor maklumat dan komunikasi serta pengangkutan dan penyimpanan. Sektor pembuatan pula akan didorong oleh subsektor berkaitan petroleum serta elektrik dan elektronik. Pertumbuhan sektor ini juga akan diterajui oleh pengeluaran produk yang lebih terkini selaras dengan teknologi 4IR seperti industri kimia, mekanikal dan elektrik (M&E) dan alatan perubatan serta subsektor aeroangkasa. Manakala sektor pertanian akan dipacu oleh subsektor agromakanan yang berorientasikan pertanian moden dan disokong oleh subsektor agr komoditi.

4. Pewujudan pekerjaan akan bergantung kepada pertumbuhan sektor dalam ekonomi. Sehubungan itu, pekerjaan baharu yang dijangka akan diwujudkan dan pekerjaan sedia ada yang akan bertumbuh adalah pekerjaan berkaitan dengan sektor-sektor ekonomi seperti yang dinyatakan. Antaranya adalah pegawai penyelidik dan pembangunan, pentadbir sistem komputer, pegawai keselamatan sistem komputer, operator meja bantu komputer, pakar rantai bekalan dan perolehan, pegawai operasi gudang, jurutera kimia, jurutera elektrik, jurutera elektronik, jurutera mekanikal, jurutera peralatan perubatan, jurutera aeroangkasa, eksekutif ladang pertanian, operator dron, eksekutif jualan, pegawai pemasaran dan juruanalisis data.

5. Pembangunan industri di Malaysia perlu bergerak seiring dengan perkembangan global dan transformasi digital untuk terus kekal berdaya saing. Keadaan ini menyebabkan proses kerja dan kaedah perniagaan sedia ada perlu dinaik taraf menggunakan teknologi yang lebih tinggi dalam rantai nilai. Kesannya, landskap kerjaya dalam pasaran buruh mengalami perubahan yang pesat dan memerlukan tenaga buruh yang dinamik dari segi pengetahuan serta kemahiran.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

DARIPADA : YB TUAN NGA KOR MING [TELUK INTAN]

TARIKH : 23 NOVEMBER 2020 (ISNIN)

SOALAN

TUAN NGA KOR MING [TELUK INTAN] minta **PERDANA MENTERI** menyatakan bilakah Kerajaan akan membentangkan Akta Suruhanjaya Perkhidmatan Parlimen selaras dengan reformasi Parlimen seperti yang dijanjikan.

JAWAPAN

**YB DATO' TAKIYUDDIN BIN HASSAN,
MENTERI DI JABATAN PERDANA MENTERI (PARLIMEN DAN
UNDANG-UNDANG)**

Tuan Yang di-Pertua,

Untuk makluman Ahli Yang Berhormat, bahawa draf Rang Undang-undang Perkhidmatan Parlimen telah disediakan. Kerajaan sedang menghalusi dan mengkaji penubuhan Suruhanjaya Perkhidmatan Parlimen Malaysia.

Sekian, terima kasih.

**PEMBERITAHUAN PERTANYAAN LISAN
DEWAN RAKYAT MESYUARAT KETIGA,
PENGAL KETIGA, PARLIMEN KEEMPAT BELAS**

PERTANYAAN : LISAN

**DARIPADA : DATUK MOHAMADDIN BIN KETAPI
[LAHAD DATU]**

TARIKH : 23 NOVEMBER 2020 (ISNIN)

SOALAN

minta **MENTERI PEMBANGUNAN USAHAWAN DAN KOPERASI** menyatakan pelan perancangan Kementerian bersama Kerajaan Negeri Sabah dalam memulihkan semula ekonomi perusahaan kecil dan sederhana di Sabah kesan daripada gelombang ketiga COVID-19.

JAWAPAN

Tuan Yang di-Pertua,

1. Penularan wabak COVID-19 sememangnya memberikan kesan kepada perusahaan kecil dan sederhana (PKS). Kementerian Pembangunan Usahawan dan Koperasi (MEDAC) memandang serius mengenai perkara ini dan telah mengambil beberapa tindakan segera melalui program turun padang, mengadakan beberapa siri perjumpaan, dialog, perbincangan secara 'on-line', dan taklimat kepada pengusaha PKS termasuk di Sabah. Secara khususnya MEDAC tidak mempunyai pelan perancangan bersama Kerajaan Negeri Sabah sahaja tetapi lebih kepada perancangan di peringkat negara dalam memulihkan semula ekonomi PKS.

2. Namun begitu, MEDAC telah mengadakan program di Sabah pada 21 dan 22 September 2020 bagi tujuan membantu usahawan-usahawan mikro, PKS dan koperasi di Sabah yang melibatkan agensi-agensi seperti Suruhanjaya Koperasi Malaysia (SKM), Perbadanan Nasional Berhad (PNS), Perbadanan Perusahaan Kecil dan Sederhana Malaysia (SME Corp) dan INSKEN.

3. Program-program yang dilaksanakan adalah Majlis Dialog bersama Persatuan-Persatuan Usahawan Sabah (PUSH) dan Tunas Usahawan Belia Bumiputera Sabah (TUBERs), Seminar Pemantapan Dan Pengukuhan Koperasi dan Pelancaran Kempen Pembudayaan Norma Baharu Peringkat Negeri Sabah, Program BizFrancais @ Sabah 2020, INSKEN-TEKUN Business Outreach 2020 dan INSKEN Business Coaching (IBC) dan Business Enhancement Programme (BEP) 2020.

Adalah diharapkan program-program ini dapat memberi manfaat kepada usahawan mikro, PKS dan koperasi di Sabah khususnya.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

**DARIPADA : DR. NIK MUHAMMAD ZAWAWI BIN HAJI
SALLEH [PASIR PUTEH]**

TARIKH : 23 NOVEMBER 2020 (ISNIN)

SOALAN

minta **PERDANA MENTERI** menyatakan apakah jaminan keberkesanan Dasar Kemakmuran Bersama yang dilihat menjadi antara penyelesaian dalam menangani masalah dalam tempoh 10 tahun mendatang, termasuk dalam soal merapatkan jurang ekonomi antara kaum.

JAWAPAN

**YB DATO' SRI MUSTAPA BIN MOHAMED,
MENTERI DI JABATAN PERDANA MENTERI (EKONOMI)**

1. Wawasan Kemakmuran Bersama 2030 (WKB) yang telah dilancarkan pada 5 Oktober 2019 merupakan iltizam untuk menjadikan Malaysia sebagai sebuah negara yang terus membangun secara mampan seiring dengan pengagihan ekonomi yang adil, saksama dan inklusif pada semua peringkat kumpulan pendapatan, etnik, wilayah dan rangkaian bekalan.
2. Objektif kedua dalam WKB, iaitu Menangani Jurang Kekayaan dan Pendapatan dengan memberi fokus kepada usaha menangani jurang ekonomi antara kumpulan pendapatan, etnik, wilayah dan rangkaian

bekalan untuk membela dan meningkatkan keupayaan semua rakyat supaya tiada yang ketinggalan.

3. Selaras dengan matlamat WKB untuk menyediakan taraf hidup yang wajar (*decent standard of living*) kepada semua rakyat Malaysia, fokus Kerajaan tertumpu kepada usaha untuk menangani jurang kekayaan dan pendapatan, merentasi wilayah termasuk negeri-negeri serta penduduk luar bandar dan bandar. Ini adalah penting supaya negeri-negeri kurang membangun dan golongan penduduk yang ketinggalan dapat dibawa bersama dalam arus kemajuan negara, nasib mereka terbela dan ekonomi mereka diperkasakan.

4. Penekanan Kerajaan ini juga selaras ke arah melaksanakan pembangunan secara lebih terangkum dan teragih memandangkan pembangunan pesat sekarang lebih tertumpu di Wilayah Tengah, meliputi WP Kuala Lumpur, WP Putrajaya, dan Selangor. Sebagai contoh, dalam WKB, Kerajaan mensasarkan nisbah pendapatan antara Wilayah Timur dan Wilayah Tengah dirapatkan daripada 2.7 kepada 2.0 menjelang 2030. Walaupun menangani jurang pendapatan mengambil masa, Kerajaan tetap komited untuk merapatkan jurang tersebut dalam masa 10 tahun yang akan datang.

5. Dalam hubungan ini, Kerajaan melaksanakan strategi inklusif wilayah bagi memastikan pembangunan ekonomi adalah seimbang dan saksama antara semua wilayah dan negeri. Aktiviti Pertumbuhan Ekonomi Utama (*Key Economic Growth Activities* – KEGA) dikenal pasti bagi setiap negeri bagi memberi fokus kepada aktiviti ekonomi berdasarkan kekuatan dan keunikan negeri tersebut. Antara contoh fokus aktiviti ekonomi berdasarkan negeri yang dikenal pasti dalam WKB adalah seperti pertanian dan penternakan moden di Kedah, ekonomi sempadan dan logistik di Perlis, industri pembuatan desa di Kelantan, ekonomi pesisir dan perikanan di Terengganu, ekopelancongan di Sabah dan tenaga boleh diperbaharui di Sarawak.

6. Penekanan utama Kerajaan dalam merapatkan jurang ekonomi selaras dengan sasaran pencapaian WKB akan diterjemahkan melalui penggubalan dasar, strategi dan inisiatif yang digarap secara terperinci

melalui penyediaan Rancangan Malaysia Kedua Belas (RMKe-12), 2021-2025 yang akan dibentangkan awal tahun depan.

7. Memandangkan WKB 2030 merupakan dasar teras dalam pembangunan negara dalam tempoh 10 tahun akan datang, mekanisme pemantauan peringkat tertinggi telah ditubuhkan supaya objektif wawasan ini dicapai dan seterusnya memberi impak positif secara langsung kepada rakyat dan negara. Untuk itu, Kerajaan menubuhkan Majlis Tindakan Kemakmuran Bersama (MTKB) yang dipengerusikan YAB Perdana Menteri.

8. Sebuah agensi khusus iaitu Unit Penyampaian Kemakmuran Bersama atau *Shared Prosperity Delivery Unit* yang dikenali sebagai SEPADU telah ditubuhkan sejak bulan Mac 2020 untuk menerajui fungsi koordinasi dan pemantauan pelaksanaan program, inisiatif dan projek di bawah WKB 2030. SEPADU juga bertindak sebagai sekretariat MTKB serta Jawatankuasa-Jawatankuasa di bawahnya. Bagi tujuan itu juga, bagi memastikan objektif yang telah ditetapkan dalam WKB tercapai, setiap pihak yang terlibat dalam pelaksanaan program, projek dan inisiatif wawasan ini akan diberi KPI dan sasaran mengikut kluster 15 Aktiviti Pertumbuhan Ekonomi Utama atau KEGA yang akan diberi fokus secara berperingkat sepanjang 10 tahun pelaksanaan wawasan ini.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

**DARIPADA : YB TUAN KHALID BIN ABD SAMAD
[SHAH ALAM]**

TARIKH : 23 NOVEMBER 2020 (ISNIN)

SOALAN

TUAN KHALID BIN ABD SAMAD [SHAH ALAM] minta **PERDANA MENTERI** menyatakan pendirian Kerajaan berkenaan pengenalan satu rang undang-undang anti lompat parti untuk mengelakkan fenomena ketidakstabilan politik negara berulang kembali.

JAWAPAN

**YB DATO' TAKIYUDDIN BIN HASSAN, MENTERI DI JABATAN
PERDANA MENTERI (PARLIMEN DAN UNDANG-UNDANG)**

Tuan Yang di-Pertua,

Pada masa ini, Kerajaan berpandangan bahawa setiap warganegara adalah dijamin hak untuk bebas berpersatuan selaras dengan Fasal (1)(c) Perkara 10 Perlembagaan Persekutuan yang mana hak untuk membentuk persatuan ini turut telah dibincangkan dalam keputusan Mahkamah Persekutuan dalam kes *Dewan Undangan Negeri Kelantan & Anor v Nordin bin Salleh & Anor* [1992] 1 CLJ 343 dan kes *Tun Datu Haji Mustapha bin Datu Harun v. State Legislative Assembly of Sabah & Anor* (No. 1, No. 2 and No. 3) 1993 [1 MLJ 26], [1 CLJ 86] dan [3 CLJ 546].

Namun, sekiranya Kerajaan berpandangan terdapat keperluan untuk menggubal undang-undang lompat parti ini pada masa akan datang, sudah pasti kajian terperinci akan dilakukan termasuklah dengan mengadakan perbandingan *best practices* dengan negara-negara lain.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

DARIPADA : TUAN TONY PUA KIAM WEE [DAMANSARA]

TARIKH : 23 NOVEMBER 2020 (ISNIN)

SOALAN

Minta **PERDANA MENTERI** menyatakan sama ada kerajaan akan menawarkan projek baru di bawah skim penwastan atau skim 'public private partnership'. Senaraikan nilai dan projek yang telah ditawarkan dan tengah dipertimbangkan oleh pihak kerajaan.

JAWAPAN

**YB DATO' SRI MUSTAPA BIN MOHAMED,
MENTERI DI JABATAN PERDANA MENTERI (EKONOMI)**

Tuan Yang di-Pertua,

1. Untuk makluman YB, projek-projek secara kerjasama awam swasta atau, dengan izin, *Public Private Partnership* – PPP, adalah di antara pendekatan yang diguna oleh Kerajaan untuk melaksanakan projek pembangunan negara. Kelebihan Kaedah PPP antara lain adalah :

- Mempercepatkan (*bring forward*) pelaksanaan projek mega yang memberi impak yang signifikan kepada rakyat seperti lebuhraya, jambatan, hospital dan universiti.
- Merangsang pertumbuhan ekonomi melalui kesan pengganda sektor pembinaan dan kesan limpahan (*spill over effect*) kepada kawasan setempat serta membuka peluang pekerjaan, keusahawanan, peningkatan nilai hartanah dan sebagainya; dan

- Meningkatkan kecekapan mengurus fasiliti/aset Kerajaan, penyelenggaraan yang menyeluruh dengan mengambil kira *life cycle cost* dan penggunaan teknologi baharu.

2. Dalam situasi dunia yang sedang menghadapi kemelesetan ekonomi, adalah agak sukar untuk Kerajaan menyediakan peruntukan pembangunan dalam jumlah yang mencukupi bagi penjana ekonomi, maka pelaksanaan projek secara PPP ini boleh membuka ruang kepada Kerajaan untuk menjana semula ekonomi melalui 'kesan pengganda' projek infrastruktur dengan perbelanjaan pembinaan dibiayai sepenuhnya oleh pihak swasta. Pulangan/hasil kepada pelaburan pihak swasta adalah sama ada melalui kutipan daripada pengguna (*user pay*) atau pembayaran sewaan secara berjadual sepanjang tempoh konsesi pada harga yang kurang membebankan Kerajaan.

3. Sehingga 16 November 2020, terdapat sebanyak 86 cadangan projek PPP dengan nilai projek dianggarkan bernilai RM74. bilion telah memperoleh kelulusan dasar Jemaah Menteri. Projek-projek ini termasuklah pembinaan jalan raya, lebuh raya, dan pembinaan bangunan. Cadangan projek-projek tersebut sedang dirundingkan terma dan syarat pelaksanaan oleh Jawatankuasa Kerjasama Awam Swasta (JKAS) yang diurus setia oleh Unit Kerjasama Awam Swasta (UKAS), Jabatan Perdana Menteri. Rundingan ini antara lain mengenal pasti kos kepada Kerajaan dan faedah kepada rakyat.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

**DARIPADA : YB DATUK SERI HAJI SALAHUDDIN BIN
AYUB [PULAI]**

TARIKH : 23 NOVEMBER 2020 (ISNIN)

SOALAN

DATUK SERI HAJI SALAHUDDIN BIN AYUB [PULAI] minta **PERDANA
MENTERI** menyatakan apakah punca kes rasuah yang membabitkan
penjawat awam yang dilihat semakin kritikal sekarang.

JAWAPAN

**YB DATO' TAKIYUDDIN BIN HASSAN, MENTERI DI JABATAN
PERDANA MENTERI (PARLIMEN DAN UNDANG-UNDANG)**

Tuan Yang di-Pertua,

Untuk makluman Yang Berhormat, pihak Suruhanjaya Pencegahan Rasuah Malaysia (SPRM) ada menjalankan kajian terhadap perlakuan rasuah di kalangan penjawat awam. Antara punca utama yang menyebabkan berlakunya rasuah di kalangan penjawat awam adalah kecenderungan mereka untuk mempunyai gaya hidup di luar kemampuan, sikap tamak dan haloba, wujudnya ruang dan peluang untuk melakukan perbuatan rasuah serta tahap integriti yang rendah di kalangan pegawai terbabit.

Semua Kementerian, Jabatan Persekutan dan Negeri telah diarahkan untuk membangunkan Pelan Anti Rasuah Organisasi (OACP) masing-masing, di mana pelan ini akan mengenalpasti punca rasuah berlaku. OACP merupakan satu inisiatif dalam Pelan Antirasuah Nasional (NACP 2019-2023) yang dirangka dengan matlamat mewujudkan negara bebas rasuah. Setiap agensi mempunyai kriteria berbeza yang menyumbang kepada perlakuan rasuah itu sendiri. Pelan ini dapat dijadikan rujukan lengkap kepada semua warga organisasi dari pengurusan tertinggi sehingga ke peringkat bawah supaya setiap individu dapat memainkan peranan dalam melaksanakan pelan tindakan bagi melahirkan organisasi bebas rasuah dan berintegriti.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

**DARIPADA : YB TUAN AKMAL NASRULLAH BIN
MOHD NASIR [JOHOR BAHRU]**

TARIKH : 23 NOVEMBER 2020 (ISNIN)

SOALAN :

TUAN AKMAL NASRULLAH BIN MOHD. NASIR [JOHOR BAHRU] minta **PERDANA MENTERI** menyatakan komitmen yang telah diambil oleh Kerajaan bagi menentang amalan rasuah melibatkan ketirisan perolehan Kerajaan yang dikatakan kembali berleluasa.

JAWAPAN

**YB DATO' TAKIYUDDIN BIN HASSAN,
MENTERI DI JABATAN PERDANA MENTERI (PARLIMEN DAN
UNDANG-UNDANG)**

Tuan Yang di-Pertua,

Untuk makluman Ahli Yang Berhormat, Suruhanjaya Pencegahan Rasuah Malaysia (SPRM) sedang memperkukuhkan aspek penguatkuasaan dalam pemantauan isu-isu perolehan yang berskala besar melalui rangkaian sumber. Ini bagi membantu mengurangkan ketirisan perolehan awam. Di bawah Pelan Anti Rasuah Nasional (NACP) 2019-2023, terdapat 16 inisiatif kerajaan untuk menambahbaik sistem prosedur perolehan awam bagi mengekang ketirisan wang kerajaan. Antara contoh inisiatif yang ditetapkan untuk dilaksanakan oleh agensi peneraju adalah:

- i) Memperkukuhkan *Integrity Pact* sedia ada supaya seiring dengan piawaian antarabangsa.
- ii) Memperkenalkan dasar perolehan yang komprehensif berhubung pengisytiharan konflik kepentingan semasa proses perolehan.
- iii) Meningkatkan sistem perolehan berasaskan teknologi (e-perolehan) bagi mengurangkan campur tangan manusia.

Selain itu, kerajaan komited dalam usaha memerangi rasuah, memperbaiki integriti dan melaksanakan urus tadbir yang baik. Oleh itu pelaksanaan Seksyen 17A Akta SPRM mengenai Liabiliti Korporat telah dikuatkuasakan bermula 1 Jun 2020. Peruntukan ini menetapkan agar organisasi komersial mewujudkan persekitaran perniagaan yang bersih daripada aktiviti rasuah dimana setiap organisasi perlu mengadakan *adequate procedure*. Tatacara mencukupi ini adalah untuk menghalang pekerja dan/atau orang yang bersekutu dengan organisasi komersial itu daripada melakukan kesalahan rasuah berkaitan dengan aktiviti perniagaannya.

Sekian, terima kasih.

**PEMBERITAHUAN PERTANYAAN JAWAB LISAN
DEWAN RAKYAT MESYUARAT KETIGA, PENGGAL KETIGA
PARLIMEN KEEMPAT BELAS**

PERTANYAAN : JAWAB LISAN

DARIPADA : DATUK ROBERT LAWSON CHUAT [BETONG]

TARIKH : 23 NOVEMBER 2020 (ISNIN)

SOALAN:

DATUK ROBERT LAWSON CHUAT [BETONG] minta **MENTERI PERUSAHAAN PERLADANGAN DAN KOMODITI** menyatakan perancangan Kementerian untuk mewujudkan koridor getah bagi meningkatkan pengeluaran dan produktiviti getah termasuk mewujudkan Taman Perindustrian Pengeluaran Getah di Sarawak.

JAWAPAN

Tuan Yang Di-Pertua,

Kementerian sedang merancang untuk mewujudkan Koridor Lateks Timur yang merangkumi negeri Kelantan, Terengganu dan Pahang. Manakala, rancangan atau hasrat untuk mengadakan atau mewujudkan Koridor Getah (*Rubber Corridor*) di Sarawak telah dicadang oleh YAB Datuk Amar Douglas Uggah Embas, Timbalan Ketua Menteri Merangkap Menteri Pemodenan Pertanian, Tanah Adat dan Pembangunan Wilayah Sarawak pada 24 Ogos 2020 yang lalu.

Kementerian berpandangan Bahagian Betong dan Bahagian berdekatnya seperti Sarikei, Sri Aman dan Kapit yang terletak di zon tengah Sarawak adalah kawasan yang sesuai untuk dijadikan Koridor Getah memandangkan ia kawasan utama tanaman getah di Sarawak. Daripada 166,000 ha keluasan tanaman getah negeri Sarawak, seluas 77,000 ha atau

46% adalah terletak di zon tengah Sarawak dengan potensi pengeluaran sebanyak 65,000 tan setahun. Di Bahagian Betong sahaja seluas 33,000 hektar kawasan telah ditanam dengan getah yang berpotensi mengeluarkan kira-kira 30,000 tan setahun. Berdasarkan kemudahan laluan jalan raya, keluasan tanaman getah boleh diperluaskan di kawasan Kapit kerana kesesuaian geografinya untuk tanaman getah berbanding dengan tanaman lain.

Berdasarkan kepada potensi tersebut, Kementerian ini tiada halangan malah menyokong hasrat kerajaan negeri untuk memperkasakan industri getah di Sarawak terutamanya industri hiliran berasaskan getah yang sangat berpotensi dengan memberikan fokus kepada kawasan koridor getah tersebut. Kementerian ini melalui Lembaga Getah Malaysia (LGM) akan memainkan peranan sebagai pengantara serta perunding cara dan khidmat nasihat teknikal di antara kerajaan negeri dan pelabur yang berminat.

Oleh itu, bagi merealisasikan pembangunan terancang dan sistematik di kawasan koridor tersebut sebagai hab Perindustrian Pengeluaran Getah di Sarawak, kerajaan negeri disaran merangka pelan induk holistik dan strategik dengan memberikan beberapa insentif galakan kepada pelabur termasuk insentif cukai, tanah, infrastruktur dan utiliti yang diperlukan oleh pelabur.

Pada peringkat awal, industri yang berpotensi dilaksanakan adalah Kilang Lateks Pekat (*Latex Concentrate*) dan Getah Krip (*Creep Rubber*) untuk menyokong bekalan yang diperlukan oleh pihak industri sarung tangan dan produk-produk yang berkaitan getah.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

DARIPADA : PUAN NOORITA BINTI SUAL [TENOM]

TARIKH : 23 NOVEMBER 2020 (ISNIN)

SOALAN

PUAN NOORITA BINTI SUAL [TENOM] minta **PERDANA MENTERI** menyatakan status terkini tuntutan MA63 dan adakah kerajaan bercadang untuk membentangkan semula usul pindaan Perkara 1 (2) Perlembagaan Persekutuan dalam masa terdekat ini.

JAWAPAN

**YB DATUK SERI PANGLIMA DR. MAXIMUS JOHNNITY ONGKILI
MENTERI DI JABATAN PERDANA MENTERI
(HAL EHWAL SABAH DAN SARAWAK)**

Tuan Yang di-Pertua,

1. Bagi menzahirkan komitmen dan keseriusan Kerajaan berhubung usaha-usaha untuk mengembalikan hak-hak negeri Sabah dan negeri Sarawak seperti mana yang termaktub di dalam Perlembagaan Persekutuan dan Perjanjian Malaysia 1963 (MA63), Jemaah Menteri pada 9 September 2020 yang lalu telah bersetuju dengan penubuhan Majlis Khas Mengenai Perjanjian Malaysia 1963 (**Majlis Khas MA63**). Keputusan Jemaah Menteri ini telah diumumkan sendiri oleh YAB Perdana Menteri sewaktu sambutan Hari Malaysia di Sibu, Sarawak pada 16 September 2020 yang lalu. Penubuhan Majlis Khas ini adalah selaras dengan syor dan keputusan Jawatankuasa Khas Kabinet Untuk Menyemak Pelaksanaan Perjanjian Malaysia 1963 (JKKK MA63) yang telah dibubarkan pada 18 November 2019 di bawah Kerajaan terdahulu.

2. Kerajaan pada masa kini sedang memuktamadkan struktur dan komposisi Majlis Khas MA63. Pada dasarnya, Majlis Khas MA63 akan dipengerusikan oleh YAB Perdana Menteri dan turut dianggotai oleh YAB Ketua Menteri Sabah, YAB Ketua Menteri Sarawak serta beberapa orang Menteri Persekutuan yang berkaitan. Majlis Khas ini dijangka akan bersidang buat kali yang pertama pada bulan November ini bagi membincangkan serta membuat ketetapan berhubung perkara-perkara yang penting dan perlu dipercepatkan diselesaikan. Selain itu, Majlis Khas juga akan meneliti isu-isu yang berbangkit berhubung pelaksanaan keputusan-keputusan di bawah Jawatankuasa Kabinet terdahulu bagi memastikan perkara-perkara yang boleh diselesaikan atau dengan izin, "*low hanging fruit*" dilaksanakan dengan segera. Ini menunjukkan keikhlasan Kerajaan Persekutuan dalam menjamin hak-hak negeri Sabah dan negeri Sarawak dilaksanakan selaras dengan hak-hak yang dijamin di bawah undang-undang dan perlembagaan negara. Majlis Khas ini akan diurusetiaikan oleh Bahagian Hal Ehwal Sabah dan Sarawak, Jabatan Perdana Menteri (BHESS), yang bertanggungjawab memastikan isu-isu

yang berkaitan dengan MA63 dapat diselesaikan dan dilaksanakan dengan telus dan berkesan.

3. Dalam hal ini, Bahagian Hal Ehwal Sabah dan Sarawak, Jabatan Perdana Menteri (**BHESS**) akan memantau rapi pelaksanaan keputusan-keputusan yang telah dicapai di bawah Jawatankuasa Kabinet terdahulu oleh jawatankuasa kerja-jawatankuasa kerja yang telah ditubuhkan di peringkat Kementerian/Agensi Persekutuan yang terlibat dalam proses semakan pelaksanaan MA63 sebelum ini. Setiap kementerian/agensi terlibat akan mengemukakan pelaporan secara berkala kepada BHESS dan pelaporan ini akan dibentangkan di peringkat Majlis Khas MA63.

4. Kerajaan yakin bahawa kejayaan dalam agenda ini akan meredakan ketidak-puasan hati rakyat di negeri Sabah dan Sarawak yang selama ini merenggangkan perpaduan dan integriti wilayah yang kukuh serta sekaligus akan dapat memperkasakan patriotisma dan nasionalisma negara bangsa.

5. Manakala berhubung dengan status cadangan untuk meminda Perkara 1(2) Perlembagaan Persekutuan, hala tuju mengenai pindaan ini akan diperincikan secara bersama di antara Kerajaan Persekutuan dengan Kerajaan negeri Sabah dan Kerajaan Negeri Sarawak dalam Majlis Khas MA63 yang akan bersidang pada bulan November ini. Ini bagi memastikan apa-apa perancangan yang akan dibuat berhubung perkara ini adalah berdasarkan konsensus bersama serta menepati lunas perundangan khususnya Perlembagaan Persekutuan, selaku undang-undang tertinggi dalam negara.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KETIGA
PARLIMEN KEEMPAT BELAS**

PERTANYAAN : LISAN

**DARIPADA : YB DATUK SERI DR. MUJAHID BIN YUSOF
[PARIT BUNTAR]**

TARIKH : 23 NOVEMBER 2020 (ISNIN)

SOALAN

Minta **PERDANA MENTERI** menyatakan apakah komitmen Kerajaan dalam pembinaan Fiqh Ta'amul sebagai kerangka memperkukuhkan hubungan antara penganut agama di Malaysia.

**JAWAPAN: YB SENATOR DATUK DR. ZULKIFLI MOHAMAD AL BAKRI,
MENTERI DI JABATAN PERDANA MENTERI (HAL EHWAL
AGAMA)**

Tuan Yang di-Pertua,

Untuk makluman Ahli Yang Berhormat, Kerajaan sentiasa mengambil perhatian serius terhadap persefahaman dan keharmonian seluruh rakyat Malaysia tanpa mengira batas kaum dan agama bagi mengekalkan keamanan dan kestabilan negara. Bagi memastikan kestabilan ini tercapai, antara inisiatif yang dilaksanakan ialah;

- a) Kajian Pembinaan Kerangka Fiqh Taamul (interaksi) Antara Penganut Agama di Malaysia telah dilaksanakan oleh Institut Kefahaman Islam Malaysia (IKIM). Hasil kajian tersebut telah

menerbitkan sebuah buku berjudul 'Islam dan Hubungan antara Penganut Agama'. Kajian ini diteruskan dengan memberi fokus kepada pembinaan 'Garis Panduan Dialog Antara Penganut Agama' dan akan digunakan sebagai panduan asas dalam menggerakkan usaha memperkukuhkan hubungan antara penganut agama di Malaysia apabila siap kelak.

- b) Selain dari itu, Mesyuarat Jemaah Menteri pada 14 Ogos 2020 telah bersetuju dengan penubuhan Jawatankuasa Keharmonian Antara Penganut Agama (HARMONI), menggantikan Jawatankuasa Mempromosi Persefahaman dan Keharmonian Antara Penganut Agama (JKMPKA) yang telah diwujudkan sejak tahun 2010 sebagai usaha untuk meneruskan perbincangan dan perundingan terhadap sesuatu isu yang melibatkan pemimpin-pemimpin agama bagi manfaat kepada kesejahteraan masyarakat dan negara.
- c) Kerajaan tetap meneruskan serta akan menggiatkan lagi usaha bagi meneruskan program-program sedia ada menggunakan pendekatan yang lebih harmoni dengan kerjasama strategik bersama-sama Kementerian Perpaduan Negara.

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

**DARIPADA : YB PUAN VIVIAN WONG SHIR YEE
[SANDAKAN]**

TARIKH : 23 NOVEMBER 2020 (ISNIN)

SOALAN

YB PUAN VIVIAN WONG SHIR YEE [SANDAKAN] minta **MENTERI PELANCONGAN, SENI DAN BUDAYA** menyatakan bagaimanakah Kementerian menggunakan peruntukan yang telah diluluskan untuk promosi 'Visit Malaysia 2020' dan adakah Kementerian berniat untuk membantu pihak berkepentingan dalam sektor pelancongan di Sabah yang terjejas dalam pandemik COVID-19..

JAWAPAN

Tuan Yang di-Pertua,

1. Penularan wabak COVID-19 telah membawa kesan negatif yang teruk bukan sahaja kepada industri pelancongan tempatan malah turut menjejaskan industri ini di seluruh dunia. Untuk membantu meringankan impak terhadap penggiat industri dan seterusnya memulihkan industri pelancongan tempatan, Kerajaan telah mengumumkan beberapa pakej rangsangan ekonomi (PRE) iaitu PRIHATIN, PRIHATIN PKS TAMBAHAN dan PENJANA. Antara bantuan dan insentif yang disediakan adalah:

- (i) Skim Pembiayaan Pelancongan PENJANA bagi PKS sektor pelancongan;

NO. SOALAN : 42

- (ii) pengecualian cukai pelancongan sepenuhnya bagi tempoh mulai 1 Julai 2020 hingga 30 Jun 2021;
- (iii) pengecualian cukai perkhidmatan ke atas perkhidmatan penginapan mulai 1 September 2020 hingga 30 Jun 2021;
- (iv) pelepasan khas cukai individu sehingga RM1,000 untuk perbelanjaan pelancongan domestik;
- (v) Program Subsidi Upah (PSU) untuk 3 bulan tambahan bagi majikan sedia ada yang sedang menerima PSU dan bantuan PSU selama 6 bulan bagi semua permohonan baru mulai 1 Oktober 2020 hingga 31 Disember 2020;
- (vi) inisiatif bantuan Perusahaan Kecil dan Sederhana (PKS) seperti Skim Pembiayaan PKS PENJANA dan Geran Padanan Pendigitalan PKS;
- (vii) potongan cukai untuk perbelanjaan berkaitan COVID-19 seperti pembelian PPE/ pengimbas suhu dan kos ujian saringan; dan
- (viii) penawaran penangguhan atau moratorium bayaran pinjaman bersasar.

2. Di pihak Kementerian sendiri, Kementerian Pelancongan, Seni dan Budaya (MOTAC) telah dan akan terus melaksanakan inisiatif-inisiatif khusus seperti:

- (i) menawarkan kursus *Domestic Tourism Vibes* secara dalam talian dengan kerjasama Persatuan Institut-institut Latihan Pelancongan Malaysia (ATTIM) dan Malaysian Tourist Guide Council (MTGC);
- (ii) pengecualian bayaran fi lesen bagi pengusaha-pengusaha pelancongan dan pemandu pelancong bermula 17 Mac hingga 31 Disember 2020;

NO. SOALAN : 42

- (iii) pemberian diskaun pembayaran kompaun sebanyak 40% kepada semua pengusaha pelancongan dan pemandu pelancong berlesen yang dikenakan kompaun oleh Kementerian sebelum 31 Disember 2020;
- (iv) pelanjutan tempoh bayaran kompaun sehingga 31 Disember 2020 bagi semua kompaun yang dikeluarkan kepada syarikat atau pemandu pelancong berlesen;
- (v) melonggarkan syarat pembaharuan lesen sedia ada bagi syarikat pengendali pelancongan;
- (vi) melanjutkan permit bas persiaran kepada 15 tahun bagi bas persiaran di Sabah, Sarawak dan Labuan; dan
- (vii) melancarkan Kempen “*Meet In Malaysia*” bagi menggalakkan penganjuran MICE secara hibrid iaitu secara fizikal dan dalam talian serentak di Malaysia sebagai satu bentuk insentif untuk membantu dan menyokong penggiat industri MICE dalam menganjurkan acara perniagaan di Malaysia.

3. Sementara itu, sebaik sahaja pelaksanaan Perintah Kawalan Pergerakan Pemulihan (PKPP) dan pembukaan semula aktiviti ekonomi bermula 10 Jun 2020 yang lalu, MOTAC terus mengambil beberapa langkah untuk merencanakan semula pelancongan domestik dan pada masa yang sama membudayakan pematuhan kepada operasi standard atau SOP-SOP yang telah ditetapkan.

4. Antara program yang telah dan akan dilaksanakan termasuklah:

- (i) “Siri Jelajah Semarakkan Pelancongan Domestik” bagi menggalakkan pelancongan dalam negara yang telah dilancarkan pada 13 Jun 2020 oleh Kementerian ini di seluruh negara. Siri promosi tersebut akan diteruskan secara berperingkat apabila keadaan mengizinkan di mana ia akan

melibatkan pendedahan kepada produk-produk pelancongan baru serta produk warisan seni dan kebudayaan negara;

- (ii) Pelancaran “Pakej Istimewa Cuti-Cuti Malaysia Bagi Penjawat Awam” pada 3 September 2020 bagi menggalakkan lagi penjawat awam untuk bercuti dalam negara seterusnya membantu meningkatkan pendapatan operator pelancongan yang turut serta; dan
- (iii) “Siri Jelajah Kempen Pembudayaan Norma Baharu” yang akan dijalankan dengan kerjasama Agensi Pengurusan Bencana Negara (NADMA) dan Kementerian Kesihatan Malaysia (KKM) bagi memberi pendedahan kepada penggiat industri pelancongan akan norma-norma baharu yang perlu diamalkan.

5. Melalui Belanjawan 2021, Kerajaan telah mengumumkan Geran Khas Prihatin Tambahan RM1,000 kepada penggiat industri pelancongan di negeri Sabah yang terjejas teruk ekoran kekurangan kehadiran pelancong akibat penularan COVID-19. Antara yang bakal menerima manfaat daripada geran khas ini termasuklah pemandu teksi dan *e-hailing*, kereta sewa dan pemandu pelancong di Sabah. Belanjawan 2021 juga akan memberikan penggiat sektor pelancongan pengecualian levi tabung HRDF selama 6 bulan berkuatkuasa 1 Januari 2021 bagi membantu mengurangkan beban aliran tunai syarikat yang terjejas akibat penularan COVID-19.

6. Sebahagian baki peruntukan bagi promosi *Visit Malaysia 2020* disalur untuk digunakan bagi mempertingkatkan aktiviti pelancongan domestik di seluruh negara. Di antara inisiatif-inisiatif promosi pelancongan domestik khusus di negeri Sabah ialah:

- (i) Meningkatkan tahap keyakinan rakyat untuk melancong di dalam negara melalui penyertaan *Key Opinion Leaders* (KOL)/*social media influencers*, promosi media sosial, “*content creation*”, “*smart partnership*” dengan media, kempen media

cetak, produksi video khususnya bagi segmen minat khas dan kerjasama dengan stesen TV tempatan. Ia juga melibatkan promosi-promosi produk pelancongan negeri Sabah melalui laman media sosial dan digital melalui laman web Tourism Malaysia dan Youtube serta media sosial;

- (ii) Bekerjasama dengan persatuan-persatuan hotel tempatan, agensi-agensi pelancongan, syarikat-syarikat penerbangan dengan tawaran tambang khas, platform membeli-belah online tempatan, kompleks membeli-belah, persatuan homestay dan persatuan taman tema bagi mengadakan kempen-kempen promosi domestik; dan
- (iii) promosi melalui media elektronik dengan pemilik agensi dan pengusaha produk pelancongan di negeri Sabah diberi peluang untuk mempromosikan pakej-pakej pelancongan serta destinasi-destinasi menarik di negeri Bawah Bayu ini.

7. Selain itu, kerjasama rapat dengan Kerajaan Negeri Sabah, Lembaga Pelancongan Sabah serta penggiat industri pelancongan di negeri ini sentiasa dijalinan bagi mempercepatkan lagi pemulihan industri pelancongan di Sabah menerusi inisiatif-inisiatif publisiti dan promosi.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

**DARIPADA : YB TUAN AHMAD FAHMI BIN MOHAMED
FADZIL [LEMBAH PANTAI]**

TARIKH : 23 NOVEMBER 2020 (ISNIN)

SOALAN

Minta **PERDANA MENTERI** menyatakan dengan jelas adakah wujud keadaan 'Antara Dua Darjat' dalam pelaksanaan prosedur operasi standard (SOP) Majlis Keselamatan Negara dalam memerangi pandemik COVID-19.

JAWAPAN

**YB DATUK SERI MOHD REDZUAN BIN MD. YUSOF,
MENTERI DI JABATAN PERDANA MENTERI (TUGAS-TUGAS KHAS)**

Tuan Yang di-Pertua,

1. Prosedur Operasi Standard (SOP) yang dikeluarkan oleh Kerajaan dalam membendung penularan COVID-19 adalah terpakai kepada semua tanpa mengira pangkat dan kedudukan seseorang. Sebarang pelanggaran kepada SOP dan peraturan yang telah ditetapkan akan diambil tindakan berdasarkan peruntukan Undang-Undang di bawah Akta Pencegahan Dan Pengawalan Penyakit Berjangkit 1988 [AKTA 342]. Justeru itu, keadaan “antara dua darjat” seperti yang dibangkitkan oleh Ahli Yang Berhormat Lembah Pantai adalah tidak wujud sama sekali.

2. Pelaksanaan fasa Perintah Kawalan Pergerakan Pemulihan (PKPP) selepas berakhir fasa Perintah Kawalan Pergerakan Bersyarat (PKPB) antara lainnya merupakan satu langkah untuk meneruskan kuatkuasa Akta 342 yang memayungi SOP-SOP yang telah dikeluarkan. Dengan penerusan penggunaan Akta 342, penguatkuasaan ke atas pematuhan SOP-SOP dapat dilaksanakan oleh agensi-agensi yang telah diberi kuasa di bawah Akta ini untuk memastikan pematuhan ke atas SOP selain mendidik masyarakat untuk membudayakan normal baharu kehidupan.

Sekian, terima kasih.

**PEMBERITAHUAN PERTANYAAN JAWAB LISAN
DEWAN RAKYAT MESYUARAT KETIGA, PENGGAL KETIGA
PARLIMEN KEEMPAT BELAS**

PERTANYAAN : JAWAB LISAN

**DARIPADA : PUAN NURUL IZZAH BINTI ANWAR
[PERMATANG PAUH]**

TARIKH : 23 NOVEMBER 2020 (ISNIN)

SOALAN

PUAN NURUL IZZAH BINTI ANWAR [PERMATANG PAUH] minta **MENTERI PEMBANGUNAN WANITA, KELUARGA DAN MASYARAKAT** menyatakan usaha Kementerian mengkaji semula Akta Orang Kurang Upaya (OKU) 2008 untuk menangani kelompongan dari segi peruntukan melarang diskriminasi terhadap OKU dan peruntukan remedi kehakiman dan hukuman bagi pihak yang tidak mematuhi akta ini, seperti yang disarankan Majlis Peguam Malaysia.

JAWAPAN

Tuan Yang di-Pertua,

Akta Orang Kurang Upaya 2008 merupakan satu Akta yang bersifat *rights-based* (dengan izin) dan bukan berbentuk punitif sebagaimana yang dinyatakan di bawah Seksyen 41 perlindungan terhadap tindakan guaman dan prosiding undang-undang dan Seksyen 42 Akta Perlindungan Pihak Berkuasa Awam 1948.

Peruntukan yang disediakan turut bertujuan melindungi ahli Jawatankuasa Majlis Kebangsaan Bersama Orang Kurang Upaya yang turut terdiri daripada 10 individu yang mempunyai pengalaman, pengetahuan dan kepakaran yang sesuai dalam permasalahan mengenai Orang Kurang Upaya (OKU) dan boleh terdiri daripada OKU sendiri atau bukan OKU. Penglibatan wakil OKU sebagai ahli Majlis juga turut bertujuan memastikan wujudnya persefahaman dalam memahami dan memenuhi hak OKU sebagai anggota masyarakat.

Walau bagaimanapun, Kementerian Pembangunan Wanita, Keluarga dan Masyarakat (KPWKM) sedar terdapat tuntutan daripada pelbagai pihak termasuk NGO OKU untuk mengkaji semula Akta OKU 2008 dan memasukkan peruntukan remedi kehakiman dan hukuman ke dalam Akta.

Oleh itu, KPWKM telah mengambil tindakan dengan melaksanakan beberapa siri bengkel bersama-sama dengan NGO OKU untuk mendapatkan pandangan dan cadangan mereka. Input daripada bengkel tersebut akan dijadikan sebagai asas untuk melaksanakan satu kajian menyeluruh semakan semula Akta OKU 2008 yang akan dilaksanakan pada tahun 2021. Kajian ini juga akan meneliti amalan-amalan terbaik yang dilaksanakan oleh negara luar.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

**DARIPADA : TUAN KARUPAIYA A/L MUTUSAMI
[PADANG SERAI]**

TARIKH : 23 NOVEMBER 2020 (ISNIN)

SOALAN

Minta **PERDANA MENTERI** menyatakan masalah pengurusan komunikasi yang berlaku dalam Kementerian, Jabatan dan agensi Kerajaan. Saya menerima banyak keluhan daripada rakyat mengenai rakyat terpaksa melalui beberapa individu sebelum dapat berkomunikasi dengan pegawai dikehendaki.

JAWAPAN

**YB DATUK SERI MOHD REDZUAN BIN MD. YUSOF,
MENTERI DI JABATAN PERDANA MENTERI (TUGAS-TUGAS KHAS)**

Tuan Yang di-Pertua,

1. Untuk makluman Ahli Yang Berhormat, Kerajaan telah menubuhkan pusat panggilan setempat (berpusat) yang dikenali sebagai 1 *Malaysia One Call Center* (1MOCC) pada tahun 2012 dan dijenamakan semula kepada *Malaysian Government Call Center* (MyGCC) pada tahun 2018 di bawah Unit Pemodenan Tadbiran dan Perancangan Pengurusan Malaysia (MAMPU), Jabatan Perdana Menteri sebagai kaedah komunikasi antara kerajaan Malaysia dengan rakyat.
2. Sehingga kini, MyGCC telah memberi khidmat menjawab panggilan telefon bagi 45 buah Kementerian, Jabatan dan Agensi Kerajaan Persektuan dan ia terus dikembangkan dari semasa ke semasa kepada Agensi lain secara berperingkat. MyGCC berperanan untuk menyalurkan

maklumat, menjawab pertanyaan, menerima aduan dan penghargaan antara rakyat dan Kerajaan melalui satu nombor rujukan tunggal 03-80008000.

3. Bagi mempertingkatkan kecekapan sistem penyampaian perkhidmatan kepada rakyat, Kerajaan telah menambah sebanyak 6 lagi saluran komunikasi untuk rakyat iaitu melalui e-mel, sistem pesanan ringkas (SMS), Facebook, Twitter, Instagram dan yang terbaharu *Chatbot*. Kesemua 7 saluran ini merupakan alternatif yang disediakan kepada rakyat dan mereka bebas memilih mana-mana kaedah perhubungan yang mudah bagi mereka.

4. Bermula dari 2018 sehingga kini, sebanyak **2.9 juta panggilan telah dijawab dan diselesaikan di MyGCC** iaitu 67.45%, manakala jumlah yang disambungkan ke agensi adalah sebanyak 944,786 panggilan atau 32.55%. Ini bermaksud, melalui pelbagai saluran di MyGCC, sebanyak 80% isu dan persoalan dapat diselesaikan secara terus oleh MyGCC manakala sebanyak 20% disambungkan kepada agensi yang berkaitan terutama bagi hal-hal yang melibatkan isu-isu dasar atau ketiadaan maklumat di peringkat MyGCC.

5. Dari sudut penyaluran maklumat, MAMPU telah berkerjasama dengan kesemua Kementerian dan agensi kerajaan Persekutuan untuk melantik *Single Point of Contact (SPOC)* bagi memudahkan koordinasi dan penyelarasan maklumat daripada agensi ke MAMPU. Ini adalah untuk memastikan maklumat yang disalurkan kepada rakyat adalah sentiasa tepat dan berintegriti.

6. Selaras dengan dasar pendigitalan Kerajaan dan arus teknologi semasa, urusan bersama agensi kerajaan akan terus dipertingkatkan dan dipermudahkan dengan penyelesaian secara dalam talian atau atas talian. Ini akan memastikan rakyat sentiasa mempunyai akses bagi mendapatkan perkhidmatan Kerajaan.

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

DARIPADA : YB DR. AZMAN BIN ISMAIL [KUALA KEDAH]

TARIKH : 23 NOVEMBER 2020 (ISNIN)

SOALAN

YB DR. AZMAN BIN ISMAIL [KUALA KEDAH] minta **MENTERI PELANCONGAN, SENI DAN BUDAYA** menyatakan langkah-langkah Kementerian di dalam memastikan bahawa rakyat Malaysia yang terlibat di dalam industri berkaitan pelancongan dapat terus terlibat secara kompetitif di dalam industri tersebut setelah lumpuh akibat pandemik COVID-19.

JAWAPAN

Tuan Yang di-Pertua,

1. Penularan wabak COVID-19 telah membawa kesan negatif yang teruk bukan sahaja kepada industri pelancongan tempatan malah turut menjejaskan industri ini di seluruh dunia. Untuk membantu meringankan impak terhadap penggiat industri dan seterusnya memulihkan industri pelancongan tempatan, Kerajaan telah mengumumkan beberapa pakej rangsangan ekonomi (PRE) iaitu PRIHATIN, PRIHATIN PKS TAMBAHAN dan PENJANA. Antara bantuan dan insentif yang disediakan adalah:

- (i) Skim Pembiayaan Pelancongan PENJANA bagi PKS sektor pelancongan;
- (ii) pengecualian cukai pelancongan sepenuhnya bagi tempoh mulai 1 Julai 2020 hingga 30 Jun 2021;

NO. SOALAN : 46

- (iii) pengecualian cukai perkhidmatan ke atas perkhidmatan penginapan mulai 1 September 2020 hingga 30 Jun 2021;
- (iv) pelepasan khas cukai individu sehingga RM1,000 untuk perbelanjaan pelancongan domestik;
- (v) Program Subsidi Upah (PSU) untuk 3 bulan tambahan bagi majikan sedia ada yang sedang menerima PSU dan bantuan PSU selama 6 bulan bagi semua permohonan baru mulai 1 Oktober 2020 hingga 31 Disember 2020;
- (vi) inisiatif bantuan Perusahaan Kecil dan Sederhana (PKS) seperti Skim Pembiayaan PKS PENJANA dan Geran Padanan Pendigitalan PKS;
- (vii) potongan cukai untuk perbelanjaan berkaitan COVID-19 seperti pembelian PPE/ pengimbas suhu dan kos ujian saringan; dan
- (viii) penawaran penangguhan atau moratorium bayaran pinjaman bersasar.

2. Di pihak Kementerian sendiri, Kementerian Pelancongan, Seni dan Budaya (MOTAC) telah dan akan terus melaksanakan inisiatif-inisiatif khusus seperti:

- (i) menawarkan kursus *Domestic Tourism Vibes* secara dalam talian dengan kerjasama Persatuan Institut-institut Latihan Pelancongan Malaysia (ATTIM) dan Malaysian Tourist Guide Council (MTGC);
- (ii) pengecualian bayaran fi lesen bagi pengusaha-pengusaha pelancongan dan pemandu pelancong bermula 17 Mac hingga 31 Disember 2020;
- (iii) pemberian diskaun pembayaran kompaun sebanyak 40% kepada semua pengusaha pelancongan dan pemandu

pelancong berlesen yang dikenakan kompaun oleh Kementerian sebelum 31 Disember 2020;

- (iv) pelanjutan tempoh bayaran kompaun sehingga 31 Disember 2020 bagi semua kompaun yang dikeluarkan kepada syarikat atau pemandu pelancong berlesen;
- (v) melonggarkan syarat pembaharuan lesen sedia ada bagi syarikat pengendali pelancongan;
- (vi) melanjutkan permit bas persiaran kepada 15 tahun bagi bas persiaran di Sabah, Sarawak dan Labuan;
- (vii) menyediakan platform dalam talian seperti www.malaysia.travel bagi membolehkan penggiat industri pelancongan memapar, mempromosi dan menawarkan pakej dan produk pelancongan mereka; dan
- (viii) melancarkan Kempen “*Meet In Malaysia*” bagi menggalakkan penganjuran MICE secara hibrid iaitu secara fizikal dan dalam talian serentak di Malaysia sebagai satu bentuk insentif untuk membantu dan menyokong penggiat industri MICE dalam menganjurkan acara perniagaan di Malaysia.

3. Sementara itu, sebaik sahaja pelaksanaan Perintah Kawalan Pergerakan Pemulihan (PKPP) dan pembukaan semula aktiviti ekonomi bermula 10 Jun 2020 yang lalu, MOTAC terus mengambil beberapa langkah untuk merancakkan semula pelancongan domestik dan pada masa yang sama membudayakan pematuhan kepada operasi standard atau SOP-SOP yang telah ditetapkan.

4. Antara program yang telah dan akan dilaksanakan termasuklah:

- (i) “Siri Jelajah Semarakkan Pelancongan Domestik” bagi menggalakkan pelancongan dalam negara yang telah dilancarkan pada 13 Jun 2020 oleh Kementerian ini di seluruh

negara. Setakat ini, siri promosi ini telah diadakan di negeri Selangor, Negeri Sembilan, Melaka, Sarawak, Kuala Lumpur, Perlis dan Kedah. Siri promosi tersebut akan diteruskan secara berperingkat apabila keadaan mengizinkan di mana ia akan melibatkan pendedahan kepada produk-produk pelancongan baru serta produk warisan seni dan kebudayaan negara;

- (ii) Pelancaran “Pakej Istimewa Cuti-Cuti Malaysia Bagi Penjawat Awam” pada 3 September 2020 bagi menggalakkan lagi penjawat awam untuk bercuti dalam negara seterusnya membantu meningkatkan pendapatan operator pelancongan yang turut serta; dan
- (iii) “Siri Jelajah Kempen Pembudayaan Norma Baharu” yang akan dijalankan dengan kerjasama Agensi Pengurusan Bencana Negara (NADMA) dan Kementerian Kesihatan Malaysia (KKM) bagi memberi pendedahan kepada penggiat industri pelancongan akan norma-norma baharu yang perlu diamalkan.

5. Melalui Belanjawan 2021, Kerajaan akan memberikan penggiat sektor pelancongan pengecualian levi tabung HRDF selama 6 bulan berkuatkuasa 1 Januari 2021 bagi membantu mengurangkan beban aliran tunai syarikat yang terjejas akibat penularan COVID-19.

6. Pada masa yang sama, MOTAC akan mensasarkan bantuan dalam bentuk rebat/diskaun atau subsidi pakej pelancongan melalui platform dalam talian serta kerjasama dengan persatuan pelancongan tempatan, taman tema dan persatuan Homestay bagi menawarkan pakej pelancongan yang menarik kepada rakyat. Inisiatif ini akan dilaksanakan apabila situasi semasa mengizinkan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

DARIPADA : YB DR. LEE BOON CHYE [GOPENG]

TARIKH : 23 NOVEMBER 2020 (ISNIN)

SOALAN

DR. LEE BOON CHYE [GOPENG] minta **PERDANA MENTERI** menyatakan bilakah Kerajaan akan melaksanakan ketetapan Perlembagaan Persekutuan berkenaan Undi 18 dan pendaftaran pemilih secara automatik.

JAWAPAN

**YB DATO' TAKIYUDDIN BIN HASSAN,
MENTERI DI JABATAN PERDANA MENTERI (PARLIMEN DAN
UNDANG-UNDANG)**

Tuan Yang di-Pertua,

Untuk makluman Ahli Yang Berhormat, Suruhanjaya Pilihan Raya (SPR) sedang dalam persiapan untuk melaksanakan umur kelayakan pengundi 18 tahun dan pendaftaran pemilih secara automatik berdasarkan kepada pindaan Perkara 119(4) Perlembagaan Persekutuan yang telah diluluskan oleh Parlimen pada Mesyuarat Kedua Penggal Kedua Parlimen Keempat Belas. Persiapan yang sedang dilaksanakan oleh SPR adalah meliputi penyediaan **pindaan kepada Peraturan-Peraturan Pilihan Raya (Pendaftaran Pemilih) 2002 dan undang-undang lain yang berkaitan, penyediaan *standard operating procedures* (SOP) dan penyediaan sistem dan infrastruktur** bagi pelaksanaan umur kelayakan pengundi 18 tahun dan pendaftaran pemilih secara automatik.

Bagi maksud membantu SPR dalam menyediakan SOP pelaksanaan pendaftaran pemilih secara automatik ini, SPR telah mengadakan **beberapa sesi libat urus** bersama beberapa jabatan/agensi Kerajaan seperti Unit Pemodenan Tadbiran dan Perancangan Pengurusan Malaysia (MAMPU), Jabatan Perdana Menteri; Kementerian Dalam Negeri; Jabatan Pendaftaran Negara (JPN); Jabatan Penjara Malaysia; Pejabat Ketua Pendaftar Mahkamah; Kementerian Kesihatan Malaysia; Angkatan Tentera Malaysia; dan Polis DiRaja Malaysia.

SPR juga telah mengadakan beberapa sesi libat urus seperti berikut:

- (i) Sesi Libat Urus Bersama Parti-Parti Politik Dari Blok Kerajaan Dan Blok Pembangkang (Bipartisan) Berhubung Pelaksanaan Umur Pengundi dan Calon 18 Tahun serta Pendaftaran Pemilih Secara Automatik pada 3 Oktober 2019;
- (ii) Sesi Libat Urus Dengan Pertubuhan-Pertubuhan Bukan Kerajaan dan Parti-Parti Politik Negeri Sarawak pada 26 November 2019; dan
- (iii) Sesi Libat Urus Dengan Pertubuhan-Pertubuhan Bukan Kerajaan dan Parti-Parti Politik Negeri Sabah pada 3 Disember 2019.

Melalui penganjuran sesi-sesi libat urus tersebut, SPR telah memberi penerangan mengenai perancangan pelaksanaan pindaan undang-undang yang telah diluluskan serta mendapatkan maklum balas dan pandangan daripada semua pihak.

Di samping itu, SPR juga sedang bekerjasama dengan JPN melalui **Jawatankuasa Taskforce SPR dan JPN** dalam persiapan melaksanakan pendaftaran pemilih secara automatik dan urusan-urusan lain yang berkaitan. SPR menjangkakan semua persiapan yang sedang diambil tindakan oleh SPR akan dapat disiapkan dalam tempoh **18 hingga 24 bulan dari tarikh kelulusan pindaan oleh Dewan Negara pada 25 Julai 2019**. Sehubungan itu, jangkaan tarikh pelaksanaan tersebut adalah selewat-lewatnya pada bulan **Julai 2021**.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KETIGA,
PARLIMEN KEEMPAT BELAS**

PERTANYAAN : LISAN

**DARIPADA : YB DATO' HAJI MAHFUZ BIN HAJI OMAR
[POKOK SENA]**

TARIKH : 23 NOVEMBER 2020 (ISNIN)

SOALAN

Minta **PERDANA MENTERI** menyatakan jumlah warganegara dan bukan warganegara yang telah dikuarantin selepas memasuki Malaysia bermula dari April 2020 hingga sekarang dan berapa jumlah mereka yang melanggar perintah kuarantin telah didakwa di mahkamah.

JAWAPAN

**YB DATUK SERI MOHD REDZUAN BIN MD. YUSOF,
MENTERI DI JABATAN PERDANA MENTERI (TUGAS-TUGAS KHAS)**

Tuan Yang di-Pertua,

1. Sehingga 15 November 2020, bagi rakyat Malaysia yang pulang daripada luar negara dan warganegara asing yang masuk ke Malaysia mulai 24 Julai 2020, bilangan keseluruhan kemasukan melalui KLIA & KLIA2 adalah sebanyak 52,456 orang. Dari jumlah berkenaan, sebanyak 29,637 orang atau 56% adalah warganegara manakala 22,819 orang atau 44% adalah terdiri daripada bukan warganegara.

2. Seramai 5 orang yang telah melanggar perintah kuarantin telah didakwa di mahkamah dan telah disabitkan kesalahan dengan 3 darinya didenda mahkamah dengan jumlah RM13,000.00 dan 2 lagi didenda dengan jumlah RM20,000 dan penjara.

Sekian, terima kasih.